

四庫全書

集部

欽定四庫全書

集部

御定歷代賦彙卷六十一

詳校官檢討臣劉 圻

主事銜臣徐以坤覆勘

總校官編修臣王燕緒

校對官中書臣李斯咏

謄錄監生臣郭怡怡

欽定四庫全書

御定歷代賦彙卷六十一

文學

春秋經傳類對賦

有序

宋

徐晉卿

余讀五經酷好春秋治春秋三傳雅尚左氏然義理牽合卷帙繁多顧茲設問難以殫記乃於暇日撰成錄賦一篇凡一百五十韻計一萬五千言欲包羅經傳牢籠善惡則引其辭以倡之欲錯綜名跡源統起末則簡其

句以包之欲按其典實故表其年以證之欲循其格式故比其韻以屬之首尾貫穿十得其九命曰春秋經傳類對將使究其所窮可以尋其枝葉舉其宏綱可以撮其樞要也其間立意迂闊措辭鄙野不尚華而背實但慮涉於淫競不摘說以扶奇又懼傷夫名教故用藏於中行以自備於檢尋傳之昆雲而俾謹乎誦習非敢流布聖旦昭示鉅儒以為哂喙之資也

運及姬世天生仲尼修魯國之史策遵周公之典彝莫

不編年示法繫日摘辭左丘明傳之釋義杜元凱注之

質疑十二公之事言用傳後世五十條之凡例式據前

規有惠夫人實生桓子當平王遷都之末是隱公即位

之始乃有伯樂獻麋

宣公十年

卻至奉豕

成公十年

許絕太

岳之裡

隱公十年

鄭廢泰山之祀

隱公八年

帥師入極譏無駭

克勝之由

隱公二年

求好于邾貴儀父會盟之美

隱公元年

問族

衆仲

隱公八年

詢名申繻

桓公六年

子駟請息肩于晉

襄公二年

荀息

謀假道于虞

僖公二年

天棄商而久矣

僖公十二年

神亡號以宜

乎

莊公三十二年

宋昭滅宗知庇根之失所

文公七年

鄭莊寵弟處

滋蔓以難圖

隱公元年

貴有常尊

宣公十年

禮有異數

莊公十八年

石尚歸脤

定公十四年

齊桓拜胙

僖公九年

向戌尤孟獻之美室

襄公十五年

韓宣譽季孫之嘉樹

昭公二年

解鼃而鄭國以亂

宣公

四年更驚而齊臣致怒

襄公十八年

魯築王姬之館外禮彌尊

莊公元年晉為太子之城內讒益固

莊公二十八年蛇妖禍鄭

莊公十四年

年豕怪害齊

莊公八年

強鉏不能衛足

莊公十六年

鄧侯徒後噬

臍

莊公六年

晉逐楚于潁北

宣公十年

魯追戎于濟西

莊公十八年

施

氏沉卻犇之子

成公十一年

鄭人奪堵狗之妻

襄公十五年

姜氏

構謀軌死歸于魯國

桓公八年

子比脅立靈生失于乾谿

昭公三年

鄭息違言

隱公十一年

晉楚結好

成公九年

晉荀躒掩耳

而走

昭公十一年

渾良夫被駮而譟

哀公七年

或驂乘以持帶

襄公二十三年

或塞井而夷竈

成公十六年

靈見梗陽之巫

襄公十八年

寬生崔苻之盜

昭公二十年

掩義隱賊驪兜招渾敦之稱

文公

十八年

毀信廢忠共工得窮奇之號

同上

伯有強死

昭公七年

鄭

莊寤生

隱公元年

越椒有熊虎之狀

宣公四年

伯石是豺狼之聲

昭公二年與玦衣者表守國之意閔公二年獻縞紵者伸結友

之誠襄公二年虞公奔彼共池因求寶劍桓公十年得臣敗于

城濮為惜玉纓僖公二年晉城虎牢襄公二年魯築鹿囿成公十八年

年婦姜貴聘而賤逆文公四年鄭忽先配而後祖隱公八年魯賄

荀偃也以壽夢之鼎襄公十年周分唐叔也以密須之鼓

定公四年楚王伐畔降許子于武城僖公六年晉侯問曰稅鍾儀

于軍府成公十年士會滅狄宣公十年甘歇敗戎文公十年獻六

羽而用六佾隱公五年節八音而行八風同上仲叔帶竊其拱

璧

襄公三
十一年

魯陽虎納以大弓

定公
元年

雖未獲一吉人行父

則庶幾免戾

文公十
八年

而能流四凶族重華則其有成功

同上

晉疆戚田

文公
五年

魯略棠地

隱公
五年

秦鍼之適晉也車有

千乘

昭公
元年

共叔之都京也城過百雉

隱公
元年

鄭子產善相

小國

昭公
四年

楚商臣能行大事

文公
元年

韓厥奉觴而加璧因

遇齊侯

成公
二年

卻至免胄以趨風蓋逢楚子

成公十
六年

鄭莊

有禮

隱公十
一年

齊襄無常

莊公
八年

蛇乘龍而為災于宋鄭

襄公

二十年水勝火而不利于子商

襄公
九年

虢公無德而祿

閔公
二年

楚圍不義而強

昭公元年

鄧曼婦人知莫敖之必敗

桓公十三年

然明君子識程鄭之將亡

襄公二十四年

魯鑄林鐘

襄公十年

唐

分姑洗

定公四年

周内史知文伯有後

文公元年

季文子謂齊侯

不免

文公十年

鄭國之井堙木刊

襄公二十五年

郕瑕之土薄水

淺

成公六年

胥臣稱卻缺之善命以先茅

僖公三十三年

士伯舉桓

子之賢賞以瓜衍

宣公十年

莫敖梁滢

莊公四年

艾獵城沂

宣公

十一年

潁考叔挾輶以走

隱公十一年

魯莊公乘傳而歸

莊公九年

吳有越若腹心之搆疾

哀公十一年

虞得號猶脣齒之相依

僖公五年楚國子文既毀家而紓難莊公三年宋邦公子遂竭

粟以貸飢文公十年商臣忍人文公九年狼曠君子文公二年杞生

圃兮歌南蒯之叛昭公十年莠在門兮喻良霄之死襄公三十

年狐毛設其二旆僖公二十年文王獲其三矢宣公四年曹太子

樂奏而歎也未免有憂桓公九年宋元公酒樂而泣馬誠知

必死昭公二十五年隕霜殺菽定公元年雨雹為災昭公四年子產殂而

仲尼出涕昭公二十年太叔卒而趙簡甚哀定公四年晉寘衛侯

于深室僖公二十八年秦舍晉君于靈臺僖公十五年蔡昭侯兩佩

兩裘已為怨府

定公三年

卻子惡五兵五甲更作禍胎

昭公二十

七年裨諶能謀

襄公三十一年

叔向好直

襄公二十九年

楚滅江也秦伯

為之出次

文公四年

越圍吳也趙孟降于喪食

哀公二十年

因龍

命氏蔡墨陳劉累之宗

昭公二十九年

以鳥名官郕子述金天

之職

昭公十七年

衛人饋錦

昭公三十年

宋公求珠

哀公十一年

塞夷

庚而絕晉

成公十八年

城州來以挑吳

昭公十九年

楚侍者知擠

于溝壑

昭公十三年

絳縣師辱在于泥塗

襄公三十年

樂盈過周

既思父鰥之過

襄公二十一年

華耦盟魯特陳祖督之辜

文公十五

年大官庇身

襄公三十一年

舊職展體

定公四年

轅頗之奔鄭也既

進其服脯

哀公十一年

葛盧之朝魯也又饋以芻米

僖公二十九年

晉軍風于澤

僖公二十八年

鄭車僨于濟

隱公三年

鄭饗楚子爰仲

九獻之儀

僖公二十二年

秦饋晉侯乃用七牢之禮

僖公十五年

秦

人入郤

文公五年

楚國圍江

文公三年

戎昭果毅

宣公二年

民生敦龐

成公十六年

荀吳圍鼓而鼓人服

昭公十五年

晉侯去原而原國

降

僖公二十五年

棟折榱崩子產心憂于鄭國

襄公十一年

踊貴屨

賤晏嬰相語于晉邦

昭公三年

歲害烏帑

襄公十八年

辰伏龍尾

僖公五年

頓子牂事晉而背楚

定公十四年

悼夫人瘠魯以肥杞

襄公二十九年

克黃得楚子以賜生

宣公四年

士燮使祝宗而祈死

成公十七年

僑如已獲宣伯由是以旌功

文公十一年

陽州既降

苦越因之而名子

定公八年

季隗就木

僖公二十三年

懷嬴奉匱

同上

先軫怒兮不顧而唾

僖公三十三年

齊侯戰兮不介而馳

成公二年

公子啓五辭楚位

哀公六年

鄧養甥三逐巴師

桓公九年

楚國爭

囚上下手于以決矣

襄公二十六年

魯邦議戰小大獄由是明

之

莊公十年

荀偃痺疽

襄公十九年

晉侯惑蠱

昭公元年

或驂絰而止

桓公或旂動而鼓

桓公五年

鬚之短者齊欲勝吳

哀公十一年

之長者楚仍夸魯

昭公七年

伯禽始封于魯國土田陪敦

定公

四年蚡冒肇啓于楚邦筭路藍縷

宣公十年

秦伯改館

僖公十五年

年晉侯加邊

昭公六年

穆叔辭金奏之樂

襄公四年

卻至驚地室

而縣

成公十二年

神奪號公之鑒

僖公二年

天假晉侯之年

僖公二十年

八年箕之役先軫默于狼曠

文公二年

夷之蒐賈季戮于夷駢

六年許悼告終仲尼加世子之罪

昭公九年

晉靈被弑董

狐書趙盾之愆

宣公二年

祀有執燔戎有受脤此養神之節

也則劉康公之言可準

成公十年

聘而獻物朝而獻功此

事霸之禮也則孟獻子之言堪崇

宣公十年

七札夸由基

之射

成公十年

六鈞傳顏高之弓

定公八年

晉侯治兵于繇上

襄公十年

闕止失道于弇中

哀公十年

魯封須句念實司于

太皞

僖公二十一年

楚滅夔子因不祀于祝融

僖公二十六年

魏犇束

冑

僖公二十八年

楚王傷目

成公十年

華臣弱臯比之室

襄公十年

子重殺巫臣之族

成公七年

伊戾讒兮宋痊死

襄公二十六年

無極

諧兮朝吳逐

昭公十年

晉獻將廢于太子衣以偏衣

閔公二年

魯昭欲寵于家羈賜之輕服

昭公三十二年

伯宗避重

成公五年荀

吳驅衝

昭公十三年

臧文仲宿于重館

僖公三十一年

叔孫豹食于

庚宗

昭公十四年

子干食百人之餽

昭公十四年

桓子獲于室之封

宣公

十五年

楚王浹辰克莒

成公九年

齊侯三日取龍

成公二年

歲在豕

韋萇弘識蔡侯之禍

昭公十一年

星出婺女裨竈知晉國之

凶

昭公十三年

屠伯饋羹

昭公十三年

考叔舍肉

隱公元年

賜魏絳以金

石之樂

襄公十一年

命士會以黻冕之服

宣公十六年

子產之為

鄭政也田有封洫

襄公三十一年

趙武之相晉國也民無謗讟

昭公元年鄭從子突三覆既殪于戎師隱公九年晉用賁皇四萃

更敗于王族襄公二十六年伯有公怨襄公二十七年季子私言成公八年

趙宣子秣馬蓐食文公七年僖負羈寘璧盤餐僖公二十三年荊菲

不遺于下體僖公三十三年葛藟能庇其本根文公七年不虞制人

坐見燕師之敗隱公五年無謂邾小行聞魯卒之奔僖公二十二年

城彼緣陵僖公十四年盟于曲濮定公八年潘崇掌環列之尹文公

元年趙盾為旄車之族宣公二年鄭之火也出新客而禁舊客

昭公元年宋之災也徹小屋而塗大屋襄公九年衛獻公與言

于孫子不釋皮冠

襄公十四年

鄭子產將見于晉侯乃加戎

服

襄公二十五年

楚子汰侈

昭公元年

文王惠和

昭公四年

蔡昭侯沈玉

而誓漢

定公三年

晉文公投璧而盟河

僖公二十四年

申包胥倚牆

而哭

定公四年

齊莊公拊楹而歌

襄公二十五年

棄甲復來念宋謳

之頗衆

宣公二年

守陴皆哭傷鄭難以滋多

宣公十二年

政在務

三

昭公七年

國不堪貳

隱公元年

虞貪屈產之乘

僖公二年

晉受鄭人

之駟

僖公十五年

錦二兩子猶受申豐之貨

昭公十六年

珠一簞

趙孟得吳王之賜

哀公二十年

樂鉞執榼以承飲

成公十六年

魯

侯申宮而傲備

同上

祁奚稱善不避親而不避讎

襄公三年

舒舉賢以為忠而以為義

昭公二年

衛多君子

襄公二年

禹

稱善人

宣公十年

夫差三年而報越

定公十年

長萬一日而

至陳

莊公十年

鳥獸之肉不登俎

隱公五年

蘋蘩之菜可薦神

隱公三年

築室反耕楚衆而惟將守宋

宣公十年

襄糧坐甲晉

人而且欲擊秦

文公十年

孟明焚舟

文公三年

繞朝贈策

文公十三年

年楚城陳蔡

昭公十一年

晉滅虞虢

僖公五年

莒子之城已惡

成公

年八慶封之車甚澤

襄公二十八年

卻犇傲而取禍

成公十四年

觀虎

勇而見獲

定公三年

賂以紀甌齊將致于晉侯

成公二年

樽以魯

壺周用享于文伯

昭公十五年

宋佐後至

昭公四年

州綽先鳴

襄公

二十一年襄伯殺嫡而立庶

文公十年

季札哀死而事生

昭公二十一年

七年杞子掌北門之管

僖公十二年

屈罷簡東國之兵

昭公十四年

楚聞倚相之譽

昭公十二年

晉推董史之名

宣公二年

竊藏而逃

頭須有納君之志

僖公十四年

握節而死子卬無廢命之誠

八年御廩延災

桓公十四年

宣榭遘火

宣公十六年

狂狡失禮而

違命

宣公二年

晏子去否而獻可

昭公二十年

雖陽貨而願東

定公

九年且楚人之尚左桓公八年安于祀廟趙孟感于前勲定公十四年

年煬公立宮季孫免于後禍定公元年郭榮扣馬襄公十年衛

獻射鴻襄公十四年杞國用于夷禮僖公二十七年伊川變于戎風

僖公二十二年周襄王不忍小忿僖公二十四年宋華元且多大功成公十五年

昭習武以蒐紅昭公八年莫教趾高桓公十三年楚王心蕩莊公十四年革車千乘魯

晉士會問殽蒸之禮宣公十六年周公閱辭昌歎之饗僖公三十三年

年二五耦譖于申生莊公二十八年十一牢享于士鞅昭公二十一年

叔魚鬻邢侯之獄足顯貪婪

昭公十四年

皇戌攝鄭伯之辭

可知邪枉

成公十四年

邾悼朝魯

襄公二十八年

孟獻聘周

宣公九年

公孫

彊以田弋而說曹伯

哀公七年

晏平仲以和羹而諫齊侯

昭公

二十一年

單頃公同盟雞澤

襄公三年

鄭子然侵取犬丘

襄公元年

衛

獻啟服之馬

昭公二十九年

楚獲餘皇之舟

昭公十七年

楚有孟津

之誓

昭公四年

成有岐陽之蒐

同園

原命三日之糧用彰有

信

僖公十五年

犒秦備一夕之衛聿見多謀

僖公三十三年

魚里觀

優

襄公十八年

楚宮振萬

莊公二十八年

狄有五罪

宣公十五年

楚有六

間

成公十六年

子常賄而信讒

昭公二十七年

楚王汰而愼諫

昭公四年

文公施三罪而服晉克愼邦刑

僖公二十八年

魏絳陳五利而

和戎用蠲國患

襄公四年

晉殺狐突

僖公二十三年

楚滅慶封

昭公四年

闔廬居不重席

哀公元年

伯有飲必擊鐘

襄公三十年

封伯禽以

殷民七族

定公四年

分唐叔以懷姓九宗

同上

韓原敗師晉患

愼諫而違卜

僖公十五年

楚丘封國衛文務材而訓農

閔公二年

夷吾奔梁

僖公十六年

子囊伐鄭

襄公八年

智伯愼而好勝

哀公十七年

樊須弱而用命

哀公十一年

雖夫婦以為賓

僖公三十三年

亦男女

之辨姓

昭公元年

命絳老作乎縣師

襄公三十年

使敬仲為之

工正

莊公二十二年

太叔對禮于趙鞅始辨禮儀

昭公二十五年

國僑

問政于然明方知政令

襄公二十五年

物莫兩大

莊公二十二年

事無

二成

成公八年

歌詩則齊有異志

襄公十六年

吹律則楚多死聲

襄公十八年

聽衛則憂而不困

襄公二十九年

歌魏則儉而易行

同上

隨會有足使之智

文公三十三年

魏萬有必大之名

閔公元年司徒

妻與之石窳

成公二年

新築人請以繁纓

同上

韓起貪淫求玉

環于牛產

昭公十六年

晉侯讒惑賜金玦于申生

閔公二年

敬仲

辭卿

莊公二十二年

國僑讓邑

襄公二十六年

子羽銳敏

襄公十一年

邾莊

卞急

定公三年

將欲修而車賦

襄公八年

必在險其走集

昭公二十三年

雖行李之往來

僖公三十年

亦鼓譟之出入

成公五年

慶封好田

而嗜酒坐見憂生

襄公二十八年

齊侯棄好而背盟行知禍及

襄公十八年

宋見星隕

僖公十六年

晉聞石言

昭公八年

莒展奪公子

之秩

昭公元年

齊侯飲大夫之軒

定公十三年

子蕩以弓楛華弱

襄公六年

晉人以幕蒙季孫

昭公十三年

南蒯則始以費叛

昭公十二年

年黑肱而終以濫奔

昭公十一年

桓子功而賞狄

宣公五年

趙

衰餒而處原

僖公二十五年

棄室而耕美季札之守節

襄公十四年

易位以令誚魏子之干尊

定公元年救災恤鄰

僖公十三年

取威

定霸

僖公二十七年

一則修陳而固列

成公十六年

一則載燧而夙

駕

文公十年

莫不服冕乘軒

哀公十五年

行爵食炙

同上

申生哀獻

胙之饒

僖公十四年

合比被埋書之詐

昭公六年

楚子玉治兵之日

鞭者七人

僖公二十七年

晉文公報惠之年退于三舍

僖公二十八年

世濟其美

文公十八年

天誘其衷

僖公十八年

無忌之有疾也讓

于韓起

襄公七年

宋穆之將死也屬于殤公

隱公三年

五星隕墜

而化石

僖公十六年

六鷁退飛而遇風

僖公十六年

衛旱討邢而

雨降

僖公十九年

周飢克殷而年豐

同上

勝欲迫于宜僚承之

以劒

哀公十六年

楚將優于郤至問之以弓

成公十六年

魯作晉

脣

哀公十八年

號為虞表

僖公五年

楚子問鼎形之輕重

宣公三年

衆仲

答羽數之多少

隱公五年

史趙言魯必為郊

昭公十一年

伍員諫

吳其為沼

哀公元年

適乎宋野蒯瞶聞艾緞之歌

定公十四年

戰

彼韓原秦伯獲雄狐之兆

僖公十五年

陳畝如忘

隱公七年

邢遷

若歸

閔公二年

晉文公受戎賂之服

僖公二十八年

衛文侯衣大布

之衣

閔公二年

仲孫既省于魯難

閔公元年

秦伯又輸于晉飢

僖公

十三年

且陳衛之方睦

隱公四年

實晉鄭之馬依

隱公六年

晉臣貪

天之功人難競賞

僖公二十四年

魯史諱國之惡誰敢爭譏

僖公

元年天生五材

襄公二十七年

武有七德

宣公十二年

卻至驟稱其伐

成公十六年

紀侯大去其國

莊公四年

子產掇蜚尾之謗

昭公四年荀

息竭股肱之力

僖公九年

伯宗實好其直言

成公十五年

展氏得

無于隱慝

僖公十五年

烏鳴亳社非祥既告于伯姬

襄公三十年

龍見絳郊達識更彰于蔡墨

昭公十九年

晉臣羈絏

僖公二十四年

秦僕紀綱

同上

魯三桓獨季孫太盛

昭公五年

鄭七穆唯罕氏

後亡

襄公二十六年

子雅辭多受少

襄公二十八年

國僑就直助強

襄公

三十

季平子行于東野

定公五年

衛莊公踰于北方

哀公十七年

會有常儀歸餼必致于地主

哀公十二年

取無正禮求車可

謂于天王

桓公十五年

蒧罷匿情

襄公三十年

卻至分謗

成公二年周

重三恪之客

襄公二十五年

宋輕千乘之相

襄公十五年

事順為臧

而逆為否

宣公二年

師曲為老而直為壯

僖公二十八年

宮之奇

以其族行

僖公五年

宋茲父能以國讓

僖公八年

邾莊公車先五

乘雖取遺言

定公三年

宋文公樽用四阿更從厚葬

成公二年去

疾莫如盡

哀公元年

樹德莫如滋

同

周子兄謀非辨菽

成公十八年

年鮑莊子知不如葵

成公七年

魏顆敗秦師于輔氏

宣公十五年

年士燮會吳子于鍾離

成公十年

季孫樹于六榘

襄公四年

葛

盧辨于三犧

僖公十九年

夾谷會時孔子相齊魯之禮

定公十年

大宮盟處晏嬰歆崔慶之辭

襄公二十五年

鄭伯先歸

昭公四年孔

張後至

昭公十六年

渾良夫犯其三罪

哀公十七年

沈諸梁兼其

二事

哀公十六年

衛侯薄酖

僖公三年

陳氏厚施

昭公二十六年

王師

敗于茅戎

成公元年

秦卒散于麻隧

成公十年三年

晉復公壻之封

齊歸汶陽之地

成公二年

通微舒之母陳靈以無道遭

戕

宣公十年

納閭職之妻齊懿以不君見弑

文公十年八年

唐成弄

馬

定公三年

晉靈侯

宣公二年

乞術聘魯

文公十年二年

伯姬會洮

莊公

二十年

宋怨澤門之哲

襄公十年七年

齊歌魯人之皋

哀公十年一年

見

惡如去草

隱公元年

逐寇如追逃

文公七年

穆有塗山之會

昭公四年

康有鄆宮之朝

同上

趙孟賦詩欲鄭邦之一獻

昭公元年

吳王

棄禮徵魯國之百牢

哀公七年

虢公之祖今勲在王室

僖公五年

原繁之先兮典司宗祏

莊公十四年

毛伯賜魯文之命

文公元年

晉侯受公孫之策

昭公三年

楚國既烹于石乞

哀公十六年

宋人

復醢于猛獲

莊公十二年

女寬歎食蓋欲悟于魏舒

昭公二十八年

考叔請羹實將施及鄭伯

隱公三年

祁奚請老

襄公三年

伯華得

官同趙鞅以鐵鑄刑鼎

昭公十九年

季孫以鐘作公盤

襄公十二年

年樂王鮒請豹之帶

昭公元年

范獻子求姑之冠

昭公二十三年

呂

錡占退泥而射月

成公十六年

聲伯夢泣瓊而涉洹

成公十七年

楚圍取蔿掩之室

襄公三十四年

鄭人斲子家之棺

宣公十年

晉有

秦憂為州兵而拯急

僖公十五年

魯多齊難作丘甲以謀安

成公元年

彼高齎兮百兩一布

昭公二十六年

此秦伯兮千乘三去

僖公十五年

楚軍右轅而左蓐

宣公十二年

鄭師先偏而後伍

桓公

五年

天王狩于河陽

僖公二十八年

晉侯盟于踐土

同上

司馬牛致

珪而適齊

哀公十四年

蕩意諸效節以奔魯

文公八年

楚金欲鑄

于三鐘

僖公十八年

晉鐵乃賦于一鼓

昭公二十九年

秦伯素服而

迎明視既以知臣

僖公三十三年

叔武捉綏而逆衛侯亦惟戀

主

僖公十八年

聲子斬鞅

昭公二十六年

伯棼汰輶

宣公四年

莒人滅鄆

而鄆恃賂

襄公六年

齊侯滅萊而萊恃謀

同

戰鉤樂樂之肘

襄公二十三年

戈撻長狄之喉

文公十一年

太叔之奔共也故曰共

叔

隱公元年

晉侯之納鄂也謂之鄂侯

隱公六年

天道遠而人道

邇

昭公十八年

家量貸而公量收

昭公三年

贖華元者以百駟之

馬

宣公二年

犒秦師者以十二之牛

僖公三十三年

能禮國人宋鮑

得親賢之道

文公十六年

不毀鄉校國僑知議政之由

襄公三十

一年穆子投壺

昭公十二年

齊侯舉矢

同上

或擇善而舉

襄公二十九年

或類能而使

襄公九年

既哀樂而樂哀

昭公二十五年

亦喜憂而憂

喜

宣公十二年

胥童以甲劫欒書

成公十七年

越俘以刀弑吳子

襄公二十九年

魯昭之出在季孫

昭公二十五年

衛獻之政由甯氏

襄公

二十六年

季友念原仲之舊葬禮非焉

莊公二十七年

韓起結田蘇

之遊立之可矣

襄公七年

登車望陣

成公十六年

馮軾觀兵

僖公二十八年

楚幕空而棲烏樂

莊公二十八年

齊師遁而班馬鳴

襄公十年

寺

人柳熾炭于位

昭公十年

晉士蒞賈薪于城

僖公五年

文辭何為

謂子朝之干命

昭公二十六年

名器不假惜仲叔之貪榮

成公二年

生而有文

隱公元年

死而不朽

襄公二十四年

晉文公朝以受策

僖公

二十八年楚平王拜而厭紐昭公十年荀偃親受矢石襄公十年重

耳躬擐甲胄成公十年叔弓卒而魯廟去樂昭公十年荀盈

死而晉侯飲酒昭公九年魯穆姜辯而不德襄公九年宋共姬女

而不婦襄公十年幾先楚使雖知乎鄭昭宋聾宣公四年釁

始齊臣但見乎崔薄慶厚襄公十七年魯熟雉門定公二年齊饋

魚軒閔公二年曹人致餼之禮桓公十四年宣伯餽穀之恩成公五年

秦晉匹而夫婦正僖公二十三年姬姑耦而子孫蕃宣公三年獲雉

而賈妻始笑昭公二十八年生子而息嫺未言莊公十四年男有室

而女有家彛儀豈紊

桓公十年

公當享而卿當宴縉禮斯

存

宣公十年

晉似瘠牛

昭公十年

秦如犄鹿

襄公十年

背盟孔

達

宣公十年

歸罪先穀

宣公十年

魯侯被殯而禭

襄公二十年

子

家易幾而哭

定公元年

宣子田于首山

宣公二年

魏舒獵于大陸

定公鄭厲入而遂殺傅瑕

莊公十年

衛衎歸而乃讓太叔

襄公二十六年

楚子觀兵于周疆

宣公三年

成王定鼎于郊鄆

同鞍

師既克范文子豈敢矜功

成公二年

晉賞雖行介子推未嘗

言祿

僖公二十四年

螽當秋出

宣公十年

蛭自冬生

同

車裂觀起

襄公二年襄公二年藩載樂盈襄公二年卻宛卒昭公二年今楚國謗昭公二年良

霄死昭公七年鄭人驚昭公七年雨入高魚之竇襄公二十六年水灌徐子

之城昭公三十年不知貽譏臧文仲山節藻梲文公二年非儀致

謂魯莊公刻桷丹楹莊公十四年侏儒敗邾襄公四年于思曰鄭

宣公二年宣公二年宋左師簡而禮昭公元年樂王鮒字而敬昭公元年晉侯背

大主而忌小怨僖公十年魏戊有守心而無淫行昭公十八年曲

梁之役揚干由是以亂行襄公三年城濮之師祁瞞于馬而

奸命僖公十八年文王用衆成公二年楚兵逮鰥同魯定築蛇淵

之囿

定公十年

臧紇斬鹿門之闕

襄公二十三年

處父有侵官之

罪

文公六年

樂書無離局之姦

成公十年

畢氏後占名冠萬民

之數

閔公元年

成季先卜位參兩社之間

閔公二年

慶克蒙衣

成公

十七年

楚子投袂

宣公十四年

晉惠公情于受瑞

僖公十一年

楚越

椒傲于執幣

文公九年

鄭伯之弟不義

隱公元年

周子之兄無慧

成公十八年

登于三量齊民歸陳氏之施

昭公三年

餽彼一鍾鄭

國感子皮之惠

襄公二十九年

楚氛甚惡

襄公二十七年

魯侵非祥

昭公

十五年

文伯豫知于鄭火

昭公六年

裨竈先見于陳亡

昭公九年楚

靈王殉以二女

昭公十三年

秦穆公殲以三良

文公六年

雖晉國

之薦饑且將乞糴

僖公十三年

奈魯邦之大旱便欲焚厓

僖公

二十一年兩釋累囚

成公三年

三肅使者

成公十年

鄭黑肱黜官而

薄祭

襄公二十二年

蘧子馮無祿而多馬

同上

仲由為季氏之宰

將墮三都

定公十二年

昭公孫齊侯之郊請致千社

昭公二十五年

莒乘補卒

成公十六年

深壘固軍

文公十二年

子皮為鄭國棖棟

襄公三十一年陳氏作齊邦斧斤

哀公十年

鐘紀魯侯之伐

襄公十九年

年鼎銘考父之勲

昭公七年

庚宗婦人執雉獻于穆子

昭公四年

楚邦公子用馬見于鄭君

昭公六年

神既福仁

成公五年

天寧假

易

桓公十三年

周歸仲子之賁

隱公元年

秦贈成風之襚

文公九年

叔

向謀而鮮過

襄公二十一年

吳王度不失事

襄公三十一年

韓之役穆

姬乞歸于晉君

僖公十五年

殺之敗文嬴免囚于秦帥

僖公三十

年得一夫而失一國

莊公二十二年

除三惡而加三利

昭公十四年

楚曰操樂既不忘于楚音

成公九年

鄭卿賦詩且不出于鄭

志

昭公十六年

子木庀賦

襄公二十五年

齊侯省刑

昭公三年

辰主商丘

之地

昭公元年

參為夏土之星

同上

伍員諫吳而滅越

哀公元年

管

仲請齊而救邢

閔公元年

晉荀偃卒而猶視

襄公十九年

楚成王

謚而乃瞋

文公元年

允當則歸楚子備知于軍志

僖公二十八年見

可而進士會先達于武經

宣公十二年

趙孟語偷

襄公三十一年

華

元言疾

成公十五年

齊慶封與盧蒲易內

襄公二十八年

晉祁勝共

鄔臧通室

昭公二十八年

季文子無藏金玉

襄公五年

孫文子不聽

琴瑟

襄公二十九年

獻俘授馘當晉侯克楚之言

僖公二十八年

訓卒

利兵是趙盾收秦之日

文公七年

祝幣史辭梁山崩兮用以

行禮

成公五年

貶食省用魯邦旱兮因以垂規

僖公二十一年

向戌

請免死之邑

襄公二十七年

孟明慙拜賜之師

天公

睥其目而

鰯其腹

宣公二年

食其肉而寢其皮

襄公二十一年

虞公貪垂棘之

璧

僖公二年

臧會竊儻句之龜

昭公二十五年

掉鞅而還乃樂伯致

師之際

宣公十二年

棄甲而復是華元敗卒之時

宣公二年

楚人

獻龜

宣公四年

曹彊獲鴈

襄公七年

甯喜擅權兮衛侯病

襄公二十七年

祭仲專政兮鄭伯患

桓公十五年

陳邦之公卿宣淫

宣公九年

國之君臣多間

襄公二十七年

秦慙殺戰蓋違蹇叔之言

僖公三十

年宋敗泓師罔取子魚之諫

僖公十二年

囊瓦城郢

昭公二十三年

季然郭卷

昭公二十五年

鄭作丘賦

昭公四年

陳稅封田

哀公十一年

晉

師館穀三日

僖公二十八年

周城勤戍五年

昭公三十一年

子桑舉孟

明之善

文公三年

鮑叔稱管仲之賢

莊公九年

鄭伯立勲受惠王

之鞏鑑

莊公二十一年

于奚著績請桓子之曲縣

成公二年

被吾甲

兵桓公戒爾車乘

僖公二十八年

車既陷淖

成公十六年

馬因還濟

僖公十五年

公鉏恪居于官次

襄公二十三年

孟明增修于國政

文公

二年穆姜再拜謝文子之賦詩

成公九年

晉侯三辭感天王之

策命

僖公二十八年

子都拔棘

隱公十一年

許伯靡旌

宣公十二年

子家

懷魯以及禍

宣公十四年

重耳安齊而敗名

僖公二十三年

嬰齊魯

之常隸

成公十六年

趙盾晉之正卿

宣公二年

知伯怒而投机

襄公

十叔孫惡而指楹

昭公元年

帥甲而來晉欒盈書入絳邑

襄公

二十三年

命車以至鄭子展宵突陳城

襄公二十五年

晉將裂田

哀公

四年魯初稅畝

宣公十五年

周郊之雞已斷尾

昭公二十二年

魯廟之

牛還傷口

宣公三十三年

羈妻知異而饋重耳

僖公二十三年

成風聞繇

而事季友

閔公二年

齊之鼓也再而衰兮三而竭

莊公十年

晉之

陳也兩于前而伍于後

昭公元年

與隨為約楚王割子期之

心

定公四年

共晉為盟涉佗援衛侯之手

定公八年

道人徇路

襄公

十四年

天子當陽

文公四年

吳季札聘于上國

昭公二十七年

楚平王

好于邊疆

昭公十年

晉一戰而始霸

僖公二十七年

紂百克而卒

亡

宣公十年

重耳文而有禮

僖公二十三年

印段樂而不荒

襄公二十

七年鄭君行速而視流死期將至

成公六年

秦使目動而言肆

懼色彌彰

文公十年

晉上狄俘

宣公十年

齊獻戎捷

莊公三十一年

闔廬傷指

定公十年

子鉏中頰

定公八年

楚莊王有加惠之老

宣公十二年

季文子無衣帛之妾

襄公五年

齊婦人兮笑卻克之

跋足

宣公十七年

曹共公分觀晉文之駢脅

僖公二十三年

季武子

三分公室益振僭名

襄公十一年

晉悼公九合諸侯載興霸

業

同上郭書暫憤

定公九年

卻至黹韋

成公十六年

賜晉侯以彤弓

彤矢

僖公二十八年

分魯公以大路大旂

定公四年

秦為坎血以懷

詐

僖公二十五年

楚作京觀而示威

宣公十二年

甯俞賂醫故衛侯

之不死

僖公三十年

侯孺貸筮致曹伯之復歸

僖公二十八年

蛇出

泉宮

文公十六年

龍鬬洧水

昭公十九年

子鮮誓不鄉衛國

襄公二十

七年公治終不言季氏

襄公二十九年

叔孫烹狗以啖吏人

昭公二十

三
年華元殺羊而食戰士宣公龜長筮短獻公但納于驪

姬傳公金寒玦離狐突空傷于太子閔公秋乃有戡莊公

十八冬復多麋莊公鞭之長不及于馬腹宣公矢

之利乃麗于麋龜宣公趙氏喻冬日夏日文公賓孟

諷人犧已犧昭公楚軍之恩如挾纊宣公衛邦之

亂若焚絲隱公櫟甲執兵蓋卻克之遇敵成公入壘折

馘乃攝叔之致師宣公晉楚爭盟成公周鄭交惡隱公

三子哲信美昭公樂厲甚虐襄公伯有汰侈襄公三

韓起懦弱

襄公三十一年

郭重食言而乃肥

襄公二十五年

原伯不學

而將落

昭公十八年

諫楚王而刖足義見鬻拳

莊公十九年

愛衛

君而滅親忠聞石碣

隱公四年

朱也當御

襄公二十六年

子國請承

哀公十八年

矢及鼓跗者嘉伯焚之絕藝

宣公四年

射中楯瓦者

表淵捷之殊能

昭公二十六年

觀卦筮陳完之吉

莊公二十二年

比爻

占畢萬之興

閔公元年

崇飾惡言少皞有窮奇之號

文公十八年

傲狠明德顓頊得禱机之稱

同上

楚復封陳

宣公十一年

吳其

入郢

昭公三十一年

封桓叔于曲沃

桓公二年

寘姜氏于城潁

隱公元年

彌庸見姑蔑之旗

哀公十三年

徐子賂甲父之鼎

昭公十年 隨

不量力方懷叛楚之謀

僖公二十年

魯能待時且折伐齊之

請

莊公八年

楚遂入郕

成公七年

吳還伐郟

弱

文公十年

鄭曼滿無德而貪

宣公六年

文子賦韓奕之五

成公

九穆叔拜鹿鳴之三

襄公四年

智井逃時無社昧麥麴之語

宣公十年

首山登處叔儀明庚癸之談

哀公十年

拔本塞原

昭公九年 裂冠毀冕

同上

隨武子修晉國之法

宣公十年

孫叔敖

擇楚國之典

宣公十年

呂甥畏晉文之偏

僖公二十四年

后子懼

秦景之選

昭公元年

城濮之戰文公能以德攻僖公二十八年首止

之師祭仲信由知免

桓公十八年

子羽請瑋

昭公元年

國僑去壇

襄公二十八年楚作僕區之法

昭公七年

晉為執秩之官

僖公二十七年韓

起求玉環而拜子產

昭公十六年

楚王去皮冠而見鄭丹

昭公

十二年

陳靈不君戲朝以夏姬之服

宣公九年

齊莊無道賜人

以崔子之冠

襄公二十五年

士匄乞盟

襄公三年

華元告急

宣公十五年

陳恒斲喪于公室

哀公十五年

子木暴虐于私邑

哀公十六年

鱣

諸魚中寘劒

昭公二十七年

韓厥馬前執紼

成公二年

晉朝周室斥

彝器之弗供

昭公十五年

齊涉楚郊責包茅之不入

僖公四年雞

鳴而駕

宣公十二年

馬首是瞻

襄公十四年

陳成子杖戈而衣製

哀公十七年

晏平仲枕草而寢苦

襄公十七年

晉文公好學不貳

昭公三年

羊舌氏瀆貨無厭

同上

宋邦欲厚于文公葬加蜃

炭

成公二年

魯國將優于周閱享用虎鹽

僖公三十年

享有體薦

宴有折俎此周定王之儀也于以示慈惠恭儉之禮

宣公

十六年小有述職大有巡功此選啟彊之言也于以顯會

同朝聘之風

昭公五年

薦澤潁于宗室

襄公二十八年

羞澗毛于王

公隱公歌鐘者鄭人所以賂晉襄公十頌琴者穆姜所

以送終襄公施及莊公魯史美考叔之孝隱公立于趙

武晉人思宣孟之忠成公家父求車桓公晉侯請隧

僖公二解陽救宋國之難宣公十丑父易齊君之位成

二宋公不王隱公士穀堪事文公鳥為宋得之吉哀公

六熊見晉君之祟昭公請說以死利衛明孔達之誠宣

十三將馬用生寧晉見安于之志定公十魯侯視朔僖

五梓慎望氛昭公二周史相魯之二子文公范巫知楚

之三君

文公十年

闕鞏逮封于唐叔

定公四年

屬鏤賜死于伍員

哀公十一年

石厚與州吁並遊旋聞禍及

隱公三年

伍舉偕聲子

相善驟致名聞

襄公二十六年

幸災不仁

僖公十四年

阻兵無衆

隱公

四年趙宣子之為政也董通逃而由質要

文公六年

晉悼公之

即位也宥罪戾而節器用

成公十八年

華元激城者之謳

宣公

二年子產感與人之誦

襄公三十年

子重制義侵衛而楚卒盡

行成公二年華耦備儀盟魯而宋官皆從

文公十五年

晉修虞祀

僖公五年

秦封殺尸

文公三年

南宮萬裏之犀革

莊公十二年

公子偃

蒙以皋比

莊公十年

章禹斷髮而逆吳子

昭公三十年

衛侯戟手

而怒褚師

哀公二十五年

子產對徵朝之事

襄公二十二年

游吉答送

葬之儀

昭公三年

楚平王禮新而叙舊

昭公十四年

單獻公弃親

而用羈

昭公七年

子羽知四國之為使修辭令

襄公三十一年

趙孟

觀七子之志命賦聲詩

襄公二十七年

向戌弭兵

同上

穆子崇卒

昭公元年

趙孟翫歲而愒日

同上

申叔生死而肉骨

襄公二十二年

衛

之非謀也與惡而弃好

莊公二十二年

晉之非刑也同罪而異

罰

僖公二十八年

晉邦三郤既以怨而遭誅

成公十七年

衛國二子

亦因忠而見殺

僖公二十五年

與殺盟孔

哀公十五年

燧象奔吳

定公

四年鄭賈人不厚誣君子

成公三年

范宣子乃淺為丈夫

襄公十年

弦子恃姻而國滅

僖公五年

成虎懷寵而身誅

昭公十年

重耳

對楚而語無佞

僖公二十三年

知罃歸晉而言不諛

成公三年

背施

幸災慶鄭發規于晉惠

僖公十四年

阻兵安忍隱公驟問于

州吁

隱公四年

子產遺愛

昭公二十年

叔向遺直

昭公十四年

愛利民

分直治國考叔純孝

隱公元年

石碯純臣

隱公四年

義事君兮孝

奉親晉大夫反首而拔舍

僖公十五年

秦穆姬登臺而履薪

上齊令管仲以問楚

同齊公四年

晉使呂相以絕秦

成公十年

師

服異晉仇之名誠深預辨

桓公二年

子囊謀楚共之諡令問

昭陳

襄公十年三年

惠伯令龜

文公十年八年

姜氏問繇

襄公十年

畜老憚

殺

宣公四年

獸困猶鬪

定公四年

熊繹則桃弧棘矢

昭公十年

伯與

則革門圭竇

襄公十年

陳武子失弓而罵

昭公二十年

重丘人閉

門而詢

襄公十七年

季文子馬不食粟豈是要君

襄公五年

衛懿

公鶴有乘軒卒難禦寇

閔公二年

楚子右廣

宣公十年

鄭伯左

孟

文公十年

夷吾射鈎而使相

僖公二十年

寺披斬祛而勿誅

僖公

五單靖公為王室卿士襄公十年晉士鞅乃公族大夫襄公十六年

年魯伯禽得封父之繁弱定公四年潁考叔取鄭伯之蝥弧

隱公十一年國子代人之憂自知連禍昭公元年臧孫干國之紀

孰謂無辜襄公十二年子產爭承昭公十二年曹伯會正文公四年夏

啟有鈞臺之享昭公四年商湯有景亳之命同上慶氏求專于

陳國襄公二十三年國子實執于齊柄哀公十七年薛由任姓會朝

而既許長滕隱公十一年魯本周宗班次而更聞後鄭桓公六年

楚子卒舊成公十六年州綽隸新襄公二十一年士蒍謀去于富子

莊公二年 韓宣問寘于羈臣

昭公七年

潘黨率游闕四十乘

宣公

十二年 天王賜虎賁三百人

僖公二十八年

晉士會賤而有恥

文公

十三年 鄭黑肱貴而能貧

襄公二十二年

臧文仲祀鳥于魯門已

稱不知文公二年季平子用人于亳社可謂非仁

昭公十年

發幣

公卿隱公七年歸事宰旅

襄公二十六年

不有居者誰守社稷

僖公二十

八年 不有行者誰扞牧圉

同華父督逆目而送孔妻

桓公元年

公

魯莊公割臂而盟黨女

莊公十二年孺子以景公為牛

滅紇以齊侯比鼠

襄公二十三年

石碯愛子之說教以義方

隱公

三狼睥答友之言未獲死所

文公二年魯觀齊社莊公二年祊

易許田

隱公八年

晉師左實而右偽

襄公十年

楚軍後勁而中

權

宣公十年

重耳踰垣而走

僖公五年

壽子載旌以先

桓公十年

終彼歲星晉侯數魯襄之齒

襄公九年

算乎亥字史趙知絳

老之年

襄公十年

魯初尚髻

襄公四年

晉始用墨

僖公十三年

齊侯

毀闕而去禁

昭公十年

楚王宥罪而舉職

昭公三年

孔悝反

柝于西園

哀公十年

無極取貨于東國

昭公十一年

燭之武夜

見秦伯備寫嘉謀

僖公十年

鄆叔紇宵犯齊師驟宣巨績

襄公十

唐侯駿馬

定公三年

慶封美車

襄公二十七年

臧哀伯規桓

納鼎

桓公二年

公子彊諫隱觀魚

隱公五年

邾隱公執高而容仰

定公十五年

單成公視下以言徐

昭公十一年

叔段興師繕甲兵

而具卒乘

隱公元年

卻縠謀帥說禮樂而敦詩書

僖公二十七年晉

乃虎狼

文公十三年

吳為蛇豕

定公四年

籍父而雖謂無後

昭公十五年

年惠伯而且聞有子

昭公十六年

鬻拳葬楚子于夕室

莊公十九年

年羽父弑隱公子寯氏

隱公十一年

楚城陳蔡既無宇以攸

推昭公十

魯視邾滕亦叔孫之所恥

襄公二十七年

衛國褊小

隱公 楚師輕寇襄公二十六年 邾寄衛獻襄公十四年 鄆居魯昭昭公

二十七年 慶封罔知于相鼠襄公二十七年 華定不荅于蓼蕭昭公二十二年

年 晉侯詢衛故于獻子襄公十四年 叔向問鄭政于國僑襄公

三十一年 犀兕尚多難荅宋謳之衆宣公二年 馬牛不及敢辭楚

地之遙僖公四年 毛伯求金文公九年 子罕辭玉襄公十五年 地動而

南宮震昭公二十三年 日食而叔輒哭昭公二十一年 衛侯與元咺爭

訟僖公二十八年 王叔共伯興坐獄襄公十年 樂枝有勇既起塵而

曳柴僖公二十八年 重耳多謀又益兵而伐木同 邾人藉稻昭公

十八年祭足取禾

隱公三年

邾文公之知命也訖須遷繹

文公十三年

年楚昭王之知道也終不祭河

哀公六年

衛出公以弓遺子

贛

哀公二十六年

東郭書以琴問弦多

哀公十一年

公子鮑美而豔

文公十六年

楚郤宛直而和

昭公二十七年

晉惠公言多忌刻

僖公九年

孫文子衡而委蛇

襄公七年

鏘鏘鳳凰協懿氏卜妻之兆

莊公

二十二年踈踈鵲鶴應魯侯去國之歌

昭公三十五年

宋元公惡而

婉

襄公二十六年

太子痤美而很

同上

伯有侈而愎

襄公三十年

叔孫

絞而婉

昭公元年

子太叔惡能亢宗

同上

石悼子是謂覺本

襄公

十九年 秦伯召于郤氏畏幣重而言甘僖公十年晉侯辭于頭

須知心覆則圖反僖公十四年楚邦赫赫襄公十年宋國區區

襄公十七年土功則日至而畢莊公十九年祭事則龍見而雩桓公

五年孟莊子為櫛琴而示暇襄公十八年宋樂祁獻楊楸以貽

辜定公六年韓厥立趙衰之後成公八年史駢送賈季之帑文公六年

臺駘能業其官曾無僥倖昭公元年商人驟施于國實有覲

覲文公十四年叔儀乞糧哀公十三年晉文受塊僖公二十三年伯有嗜

酒襄公三十七年齊侯好內僖公十七年南史執簡以往襄公二十五年右

師受牒而退

昭公二十五年

巫臣教吳而乘車

成公七年

楚人甚晉

而拔旆

宣公十二年

授政子產鄭罕虎能用善人

襄公二十年

獻

禮楚王合左師善守先代

昭公四年

蘧子蕩敏以事君

襄公二十年

七年吳夷昧德不失民

襄公三十一年

齊侯閉門而索客

成公十七年

高固築石以投人

成公二年

行葦洞酌昭忠信

隱公三年

潢汙行

滌薦鬼神

同上

閭田未歸天王興辭而責晉

昭公九年

楚師方

急包胥發哭以告秦

定公四年

執斲執鉞

成公二年

改步改玉

定公

五年蹶由犒楚師而被執

昭公五年

闕廉諫子元而遭梏

莊公三十

年趙武伐雍門之荻

襄公十年

士弱焚申池之木

同上子產

獻楚王六禮孰可規非

昭公四年

太叔語趙簡九言自堪尊

勗

定公四年

子展儉而壹

襄公二十六年

夏鬻壯而頑

昭公二十三年

魯定

公作乎兩觀

定公二年

臧文仲廢乎六闕

文公二年

晉國求知瑩

之反

成公三年

魏人譟士會之還

文公三年

宋公會邾執鄫人

于睢社

僖公十九年

楚君滅蔡用太子于岡山

昭公十一年

五空

卜郊

成公十年

四不視朔

文公十六年

魯公初獻于龍輔

昭公二十年

衛侯新成于虎幄

襄公十七年

乃有舜帝簫韶

襄公二十九年

文王

象箭

同上

韓宣子觀于魯書

昭公二年

吳季札聽于周樂

襄公二十

九年

偃識號亡之兆可謂前知

僖公二年

叔興明齊亂之機

允稱先覺

僖公十六年

魯秉周禮

閔公元年

晉有堯風

襄公十九年

楚

令尹改轅而北

宣公十年

鄭公子待命于東

僖公三十年

子產

避游氏之廟

昭公十二年

季平益邱伯之宮

昭公十九年

駸蔑雖

言于堂下

昭公十八年

知瑩將寘于褚中

成公三年

齊侯稅管仲

之囚卒興霸業

莊公九年

秦伯赦孟明之罪果立殊功

文公二年

子臧鵠冠

僖公十四年

郭書狸製

定公九年

成為孟氏之障

定公十二年

年葉作楚邦之蔽

昭公十年

匹嫡耦國者周有子儀之寵

桓公十年

去順效逆者衛有州吁之嬖

隱公三年

書社五百乃

齊侯興衛之時

哀公十年

被練三千是楚子侵吳之際

襄公

年楚分二廣

宣公十年

晉作三行

僖公二十年

許男則面縛銜

璧

僖公六年

鄭伯則肉袒牽羊

宣公十年

宮之奇為人太懦

僖公

年三陽處父立性過剛

文公五年

蕩子山背族而既戮

成公十年

樂大心賤宗而必亡

昭公二十五年

申侯專利而不厭既云獲

戾

僖公七年

子皮飲酒而無度亦自貽殃

昭公七年

城郢遺忠

襄公

十四年伐原示信僖公二十七年齊桓勞賜一級僖公九年晉侯出入

三觀僖公二十八年陳子行具其含玉哀公十一年公孫夏歌其虞

殯同齊師已遁空營聞烏烏之聲襄公十八年鄭伐欲興列

卒布魚麗之陳桓公五年滕薛爭長隱公十一年秦晉交綏文公十二年

年孟孫之惡臧紇也有同藥石襄公二十三年甯子之視衛侯

也不如奕棋襄公二十五年晉易秦而敗績僖公十五年魯卑邾而

喪師僖公二十二年致大蔡兮請臧紇之邑襄公二十三年與拱璧兮

求崔子之尸襄公二十八年聘彼晉邦季文子豫求喪禮文公六年

至于楚國孟僖子不能相儀

昭公七年戕舟發梁

襄公二十八年抽

戈結衽

成公十七年

趙旃則棄車而走

宣公十二年

鮮虞則枕轡

而寢

襄公二十五年

周讎晉侯則秬鬯一卣

僖公二十八年

鄭享楚子

則籩豆六品

僖公二十二年

衛二禮殺國子滅族何多

僖公二十五年

晉三郤譖伯宗害賢已甚

成公十五年

子頽樂禍

莊公十二年

鄭

伯效尤

莊公二十一年

梁山崩而晉邦恐

成公五年

桓宮災而魯國

憂

哀公三年

趙衰以壺飧而從重耳

僖公二十五年

甯俞以橐飧而

奉衛侯

僖公二十八年

齊祭社而蒐軍實

襄公二十四年

宋築臺而妨

農收

襄公十七年

季梁在隨識楚子羸師之詐

桓公六年

曹歲謀

魯知齊人亂轍之由

莊公十年

晏平仲枕尸而哭

襄公二十五年鄆

魁壘閉口而死

哀公二十七年

魯昭公不見于夫人

昭公三十一年齊

子元但稱于己氏

文公十四年

楚王待食熊蹯

文公元年

衛人請

執牛耳

定公八年

祁宮就叔弓賀于晉侯

昭公八年

章華臺成

魯侯落于楚子

昭公七年

商臣逢目

文公七年

伯封豕心

昭公二十八年

魯叔姬之反馬

宣公五年

鄭子皙之委禽

昭公元年

甯子弗祀于

夏相

僖公三十一年

荀營不禱于桑林

襄公十年

魯既勝齊孟反抽

矢而策馬

哀公十一年

晉將救鄭張骼踞轉而鼓琴

襄公二十四年

斐豹焚書

襄公二十三年

伯輿合要

襄公十年

楚王使驛以奔問

襄公

二十八年伯宗乘傳而赴召

成公五年

子洩逆勞于郊

定公五年

孟獻

書勞于廟

襄公十三年

伯樂致晉師之次左射以散

宣公十二年

叔孫見士伯之時右顧而笑

昭公二十四年

靈聞晉厲

成公十年妙

見秦醫

同上

汶陽者魯賜于季友

僖公元年

繇上者晉旌于子

推僖公十四年鄭翩為鸞鶴之陳

昭公二十一年

魏莊納虎豹之皮

襄公十四年號驕則晉侯問罪

莊公二十七年

隨張則楚國興師

桓公六年

魯重葛盧且加燕好之禮

僖公二十九年

鄭厚蔡子爰申廷勞

之儀

襄公二十八年

宋老時羞

文公十六年

齊公日膳

襄公二十八年

厨人

濮以裳裹首

昭公二十一年

楚子西以袂掩面

哀公十一年

伯封貪

婁而無厭

昭公二十八年

齊桓施舍而不倦

昭公十三年

慶封受于

朱方

襄公二十八年

晏子辭于邶殿

同

衛仲由赴難之日死猶

結纓

哀公十五年

祝佗父復命之時卒不說弁

襄公二十五年魏顆

結草

宣公十五年

鉏麇觸槐

宣公二年

息侯犯五不韙

隱公十一年鄆

舒有三雋才

宣公十五年

魯國不棄周禮

閔公元年

晉邦實用楚

材

襄公二年十六年

賁賁之聽其謠也豫傳于號滅

僖公五年

譖譖之

烏其妖也先告于宋災

襄公三年十年

季氏介雞

昭公二年十五年

衛侯

祿鶴

閔公二年

季見而四國皆禍

昭公十年七年

日食而二邦有惡

昭公七年

梁伯徒好于土功

僖公十年

莒子不修于城郭

成公九年

鄭鄧析用其竹刑

定公九年

晉魏舒去其柏椁

定公九年

周儋括

足高視躁已歎害成

襄公三年十年

盧蒲癭駮短心長更虞亂

作楚園之威儀似君

襄公三年十一年

子旗之志氣不臣

昭公

年馮簡子能斷大事

襄公二年十一年

鞏簡公好用遠人

定公九年

又赤雲夾日

哀公六年

孛星入辰

昭公十七年

鄭伯始朝于楚

僖公

十八年

子圉為質于秦

僖公十七年

晉侯遷于新田靡求墊隘

成公六年

晏子復其舊宅豈避囂塵

昭公三年

楚設前茅

宣公十二年

晉疑衷甲

襄公二十七年

楚武王作荆尸之陳

莊公四年

晉文公為

被廬之法

僖公二十七年

士為謂號將飢

莊公二十七年

宮奇知虞不

臘

僖公五年

賦車籍馬偉楚國之政成

襄公二十五年

通商惠工知

衛邦之化洽

閔公二年

穆姜擇櫝

襄公二年

臧妾織蒲

文公二年

楚人

望葉公如慈父

哀公十六年

齊侯戲南蒯為叛夫

昭公十四年

成

季手文而名友

閔公二年

唐叔天命以為虞

昭公元年

庸人囚于

揚憲三宿而逸

文公十六年

晉國殺于秦謀六日而蘇

宣公八年

楚能官人

襄公十五年

晉為盟主

成公三年

楚鍾儀言稱先職

成公

九王子頽樂及徧舞

莊公二十年

穆子禍起豎牛

昭公四年

羊舌

覺生叔虎

襄公二十一年

禮以事主陳桓子始大于齊

莊公二十二年

德以諫君臧孫達有後于魯

桓公二年

子臧守節

成公十五年

長

弘違天

定公元年

天奪趙同之魄

宣公十五年

神賜虢公之田

莊公

三十鄭鑄鼎兮叔向諫矣

昭公六年

晉重幣兮子產譏焉

襄公

二十四年魏絳簡授于僕人蓋通晉悼襄公三年子家書憑于執

訊用告趙宣

文公十七年

右屬橐鞬

僖公二十三年

左執鞭弭

同趙

武事不再令

哀公十年

闔廬食不二味

哀公元年

歸父壇帷而復

命

宣公十八年

芋尹尸柩而將事

哀公十五年

楚王執鞭以出

昭公

十二年

子產乘遽而至

昭公二年

趙文子薄幣而重禮撫彼諸

侯

襄公二十五年

晉文公改服以修官加于羣吏

襄公十六年

坐而

假寐

宣公二年

行無越思

襄公二十五年

叔弓辭致館之禮

昭公二年

宋

人修折俎之儀

襄公二十七年

晉侯勞于魯使

昭公二年

展喜犒于

齊師

僖公二十六年

游吉送少姜之葬

昭公三年

楚人求襄老之尸

成公二年

齊莊公通于姜氏

襄公二十五年

楚巫臣聘于夏姬

成公二年

晉戮叔魚三數惡而無隱

昭公十四年

吳煩子重七奔命以

尤罷

成公七年

萊駒失戈

文公二年

齊侯喪屨

莊公八年

齊之賂也既

以其宗器樂器

襄公二十五年

周之賜也復用乎大輅戎輅

僖公二十

年宋三族而無害

襄公二十六年

楚二卿之相惡

成公十六年

季札

逢子產如舊識各以觀賢

襄公二十九年

叔向見駿明若故知

因悉言遇

昭公二十八年

包胥逃賞

定公五年

鄭忽辭婚

桓公六年

季孫

之還魯也由叔鮒之誘

昭公十三年

伍舉之反楚也因聲子

之言

襄公二十六年

壽餘履士會之足

文公十三年

狄人歸先軫之

元

僖公三十三年

爭鬪難而平子怒

昭公二十五年

逐瘳狗而華臣奔

襄公十七年

子產壞其館垣請辭克敏

襄公三十一年

叔孫萇其牆

屋峻節彌敦

昭公二十三年

楚立夏州

宣公十一年

魯築郎囿

昭公九年

管夷吾讓不忘上

僖公二十二年

韓宣子辭不失舊

襄公二十六年

楚

王翠被而豹舄

昭公二十二年

右宰狐裘而羔袖

襄公二十四年

魯問

宋之郕鼎雖切箴規

桓公二年

鄭賂晉之襄鍾但期存救

成公

年十蜚災已降

隱公元年

螟害復興

隱公五年

陽氣微而不宜震

電

隱公九年

寒雨過而乃有木冰

成公十六年

宋雨螽今禍焉可

邈文公三年齊有彗兮妖莫能勝

昭公二十六年

秋水故無其麥苗

誠傷洪潦

莊公七年

淫雨尚妨于稼實蓋忌嚴凝

莊公十一年

宋

魯斷肱

昭公二十年

張白折股

昭公二十一年

齊滅譚而譚無禮

莊公

十鄭伐京而京不度

隱公元年

加木于子皙之尸

昭公二年

樹檟

于伍員之墓

哀公十一年

一乘葬于晉厲則非禮然

成公十八年

四嬰側于齊莊良由亂故

襄公二十五年

春秋作矣簡策昭然

總一百二十四國計二百四十二年滅國者五十二也
弑君者四十一馬五十八戰爭之名有大有小三百十
會盟之數何後何先異哉世絕哲王教墮儒術書歎鳳
而大道已喪序獲麟而元經遂畢傷周道之不興嗟孔
丘之告卒所以魯哀誄之曰嗚呼哀哉尼父無自律

狩麟賦

有序

元
楊維禎

獲麟之說諸家不同或謂秦西暉之瑞或謂漢受命之
符或謂夫子將歿之徵或謂夫子經成之祥修母致子

之說蓋陋矣近代傳經者遂比於韶成之鳳夫以麟為
應經而出是麟之靈也出而見獲靈何在焉故公羊以
為異而杜氏謂春秋感麟而作經因以為終其理為長
吾夫子固嘗歎鳳鳥不至蓋歎道之窮而帝王之瑞不
出也大野之麟胡為乎來哉因獵而獲則是麟混于羣
獸而為虞人之所擒可獲之云者悼之之辭也悼之者
悼其出非時而為虞人之所擒也故聖人感之作春秋
絕筆于獲麟之句所感而作因以為終故獲麟後二歲

而孔子卒矣何瑞之足云乎王通氏謂以天道終者即此意也故今亦不能外是說而為賦

昔素王之作經也其感乎麟之瑞乎且天之未喪斯文兮鳳鳥已不至也天之將喪斯文兮麟又胡為而出也吁嗟麟兮祥乎異也吾聞玄枵之精首四之靈抱至仁之性拔不類之形心兮好生趾兮不蹠角兮不觸頰兮不抵音純美兮協律呂步周旋兮中規矩出惟應期兮居必擇所不犯獲宥兮不罹網罟稽之在古或遊于苑

或爭於圓或出于郊或在于藪非家所蓄不世而有仁
主在位靈獸來擾繫王風之下降彼潛形其已久嗟嗟
玄聖哀姬紂鱗負一角而困世蹇蹇躋於風塵削迹于
衛兮伐木于宋接淅於齊兮絕糧于陳維龜不出兮儀
鳥不至周公無夢兮亞聖殞身驗天道兮如彼察人事
兮如此道不行兮吾其已矣仁哉麟哉胡為來哉生不
逢聖虛其應出非其時失其歸西狩之獲世所疑反袂
拭面涕沾衣春秋制作實在茲彼以為底文成之祥兮

何見跽于鉏耒也以為悼將歿之徵兮豈樂天之稱聖
也聖達乎其位兮麟實瑞乎后皇聖出非其時兮麟遂
異乎素王彼大野之所獲兮又何異夫犬羊許日時之
治麟為瑞吁嗟麟兮時之否麟為異吁嗟麟兮為春秋
之所起為春秋之所止吁嗟麟兮

御定歷代賦彙卷六十一

欽定四庫全書

集部

御定歷代賦彙卷六十二

詳校官檢討_臣劉 烜

主事銜_臣徐以坤履勘

總校官編修_臣王燕緒

校對官中書_臣李斯咏

謄錄監生_臣沈安邦

欽定四庫全書

御定歷代賦彙卷六十二

文學

文賦

有序

晉陸機

余每觀才士之所作竊有以得其用心夫其放言遺辭
良多變矣妍蚩好惡可得而言每自屬文尤見其情恒
患意不稱物文不逮意蓋非知之難能之難也故作文
賦以述先士之盛藻因論作文之利害所由他日殆可

謂曲盡其妙至于操斧伐柯雖取則不遠若夫隨手之變良難以辭逮蓋所能言者具于此云爾

佇中區以玄覽頤情志于典墳遵四時以歎逝瞻萬物而思紛悲落葉于勁秋喜柔條于芳春心懔懔以懷霜志眇眇而臨雲詠世德之駿烈誦先人之清芬游文章之林府嘉麗藻之彬彬慨投篇而援筆聊宣之乎斯文其始也皆收視反聽耽思傍訊精驚八極心游萬仞其致也情瞳矐而彌鮮物昭晰而互進傾羣言之滙液漱

六藝之芳潤浮天淵以安流濯下泉而潛浸於是沈辭
怫悅若游魚銜鈎而出重淵之深浮藻聯翩若翰鳥纓
繳而墜層雲之峻收百世之闕文採千載之遺韻謝朝
華于已披啟夕秀于未振觀古今之須臾撫四海于一
瞬然後選義按部考辭就班抱景者咸叩懷響者畢彈
或因枝以振葉或沿波而討源或本隱以之顯或求易
而得難或虎變而獸擾或龍見而鳥瀾或妥帖而易施
或咀晤而不安聲澄心以凝思眇衆慮而為言籠天地

於形內挫萬物于筆端始躑躅於燥吻終流離于濡翰
理扶質以立幹文垂條而結繁信情貌之不差故每變
而在顏思涉樂其必笑方言哀而已歎或操觚以率爾
或含毫而邈然伊茲事之可樂固聖賢之所欽課虛無
以責有叩寂寞而求音幽綿邈于尺素吐滂沛乎寸心
言恢之而彌廣思按之而愈深播芳蕤之馥馥發青條
之森森粲風飛而疾豎鬱雲起乎翰林體有萬殊物無
一量紛紜揮霍形難為狀辭程才以效伎意司契而為

匠在有無而僂倪當淺深而不讓雖離方而邀圓期窮形而盡相故夫誇目者尚奢恆心者貴當言窮者無臨論達者唯曠詩緣情而綺靡賦體物而瀏亮碑披文以相質誄纏綿而悽愴銘博約而溫潤箴頓挫而清壯頌優游以彬蔚論精微而朗暢奏平徹以閒雅說煒曄而譎誑雖區分之在茲亦禁邪而制放要辭達而理舉故無取乎冗長其為物也多姿其為體也屢遷其會意也尚巧其遺言也貴妍暨音聲之迭代若五色之相宣雖

逝止之無常固崎嶇而難便苟達變而失次猶開流以
納泉如失機而後會恒操末以續顛謬玄黃之秩叙故
渙漭而不鮮或仰逼于先條或俯侵於後章或辭害而
理比或言順而義妨離之則雙美合之則兩傷考殿最
於錙銖定去留于毫芒苟銓衡之所裁固應繩其必當
或文繁理富而意不指適極無兩致盡不可益立片言
而居要廼一篇之警策雖衆辭之有條必待茲而效績
亮功多而累寡故取足而不易或藻思綺合清麗芊眠

炳若緙繡悽若繁絃必所擬之不殊廼閤合乎曩篇雖
杼軸于予懷休他人之我先苟傷廉而愆義亦雖愛而
必捐或咎發穎豎離衆絕致形不可逐響難為係塊孤
立而特峙非常音之所緯心牢落而無偶意徘徊而不
能掃石韞玉而山輝水懷珠而川媚彼榛楛之勿翦亦
蒙榮于集翠綴下里於白雪吾亦濟夫所偉或託言於
短韻對窮迹而孤興俯寂寞而無友仰寥廓而莫承譬
偏絃之獨張含清唱而靡應或寄辭于瘁音言徒靡而

弗華混妍蚩而成體累良質而為瑕象下管之偏疾故
雖應而不和或遺理以存異徒尋虛以逐微言寡情而
鮮愛辭浮漂而不歸猶絃么而微急故雖和而不悲或
奔放以諧合務嘈囋而妖冶徒悅目而偶俗固聲高而
曲下寤防露與桑間又雖悲而不雅或清虛以婉約每
除煩而去濫闕太羹之遺味同朱絃之清汜雖一唱而
三歎固既雅而不豔若夫豐約之裁俯仰之形因宜適
變曲有微情或言拙而喻巧或理樸而辭輕或襲故而

彌新或沿濁而更清或覽之而必察或研之而後精譬
猶舞者赴節以投袂歌者應絃而遺聲是蓋輪扁所不
得言亦非華說之所能精普辭條與文律良余膺之所
服練世情之常尤識前修之所淑雖濬發於巧心或受
嗤于拙目彼瓊敷與玉藻若中原之有菽同橐籥之罔
窮與天地乎並育雖紛藹于此世嗟不盈於予抱患挈
瓶之屢空病昌言之難屬故蹢躅於短垣放庸音以足
曲恒遺恨以終篇豈懷盈而自足懼蒙塵於叩缶顧取

笑乎鳴玉若夫應感之會通塞之紀來不可遏去不可止藏若景滅行猶響起方天機之駿利夫何紛而不理思風發于胸臆言泉流於脣齒紛歲蕤以馭選唯毫素之所擬文微微以溢目音泠泠而盈耳及其六情底滯志往神留兀若枯木豁若涸流攬營魂以探蹟頓精爽於自求理翳翳而愈伏思乙乙其若抽是以或竭情而多悔或率意而寡尤雖茲物之在我非余力之所勗故時撫空懷而自惋吾未識夫開塞之所由伊茲文之為

用固衆理之所因恢萬里使無閼通億載而為津俯貽
則於來葉仰觀象乎古人濟文武於將墜宣風聲于不
泯塗無遠而不彌理無微而不綸配霑潤於雲雨象變
化乎鬼神被金石而德廣流管絃而日新

賦賦

以賦有古詩
之風為韻

唐

白居易

賦者古詩之流也始草創于荀宋漸恢張於賈馬冰生
乎水初變本於典墳青出于藍復增華於風雅而後諧
四聲祛八病信斯文之美者我國家恐文道寢衰頌聲

陵遲乃舉多士命有司酌遺風於三代明變雅于一時
全取其名則號之為賦雜用其體亦不違乎詩四始盡
在六藝無遺是謂藝文之警策述作之元龜觀夫義類
錯綜詞彩分布文諧宮律言中章句華而不豔美而有
度雅音瀏亮必先體物以成章逸思飄颻不獨登高而
能賦其工者究精微窮旨趣何慙兩京於班固其妙者
抽秘思騁妍詞豈謝三都於左思掩黃絹之麗藻吐白
鳳之奇姿振金聲于寰海增紙價于京師則長楊羽獵

之徒胡可比也景福靈光之作未足多之所謂立意為
先能文為主炳如績素鏗若鐘鼓郁郁哉溢目之黼黻
洋洋乎盈耳之韶武信可以凌轢風騷超逸今古者也
今吾君網羅六藝澄汰九流微才無忽片善是求況賦
者雅之列頌之儔可以潤色鴻業可以發揮皇猷客有
自謂握靈蛇之珠者豈斯文而不收

詠賦

宋王微

蔓馳年之騷思黹徂夜之悵憂念怵惘以淪忽心震懔

而旁流坐生悲其何愈徒空詠以自惆夫詠之為情也
悵望兮若分江鼎素厓翔揚兮濫行雲再清離浩宕弘
以廣度紛收息而淹儀既御聲以跼制又繫韻而發羈
青塗鬱兮春采香秋色陰兮白露商謹烏翔兮山光開
長霞流布兮林氣哀於時也深衷美緒孤響端音屬素
排滿吐致施英嘈肆懷以鴻暢慘輟意而相迎馮幽圖
以藉怨咀高華而寄聲體閒幅而都靡心遊任而妹明
濯陵奇而燾志舒容綺以昭情占風立候睨天發暉精

處方蕩中置忘歸慨矣拙歎默焉析機鍾石埋琬琴瑟
林帷重瀏愴以徐吟若變宮而下徵首廉麗以輕榮終
溫愛而調理歷貞璇以弘觀留雅恨其誰止爾乃承芳
遺則度律聞韶回白雲以金韻戾秋月而玉寥臨洪流
以浩汗履薄冰而心惓惓君子之嚴秀鏡淑人之靈昭
日月會兮爭驚朝夕見兮元塗楹華兮開表窅壇兮橫
蕪龍義驛兮終不昭松延蔭兮意沉虛歡陽臺兮迅飛
路闕陰棹兮空長居去矣回復參陀榮身四修匪聊亂

而剽越空含唱而動神亂日簡情撰至振元和兮神宮
妙意賞山波兮復兮積軒非徒歌兮致命遂志寶中阿
兮

擲地金聲賦

以辭賦高亮可
振金聲為韻

唐

王起

文含逸韻金有英聲苟操觚而盡妙同擲地而若驚五
色相宣諒卷懷而得其瓊麗三品作貢叶攘腕而發其
鏗錚信一言之炫耀為百代之光榮當其孫氏能文天
台作賦眇眇神邁悠悠精驚發翠屏之藻思揆赤城之

麗句既窮嵩嶽之標復得華池之趣清韻秀出芳名獨
步飄飄凌雲之氣捧而必觀鈴鈴振策之聲擲之可喻
亦既成止居然衆欽乃顧良友大誇詞林以為其文蔚
其旨深傳乎人間已見斐然之麗擲諸地表必聞鏗爾
之音郁郁眩目鏘鏘動心豈比夫荆山抱玉披沙之金
則知雜懷寶於衆夥惟金聲兮則可炫黼黻於英髦競
文律以相高苟取譬于擊地必先託于含毫匪誇詡以
自侈實麗則而不煦觀瓌璋之變態想熒煌之獻狀聆

之於耳疑委地而鏗鏘度之以心在體物而瀏亮金之
為寶也可以受礪文之喻金也存乎屬辭披彼丹心始
叩音于寂寞臨乎素手同擲光而陸離其價莫並其言
可推經喻滿籛是則然矣字比懸市無以尚之別有書
圃斯追文房是循慕綺靡之一擲思金聲之再振所以
興詠於上才而思齊于後進

六藝賦

以移風易俗安
上理人為韻

唐封希顏

散琴書以吟想多六藝之為儀禮緣情而損益樂興道

而推移數方窮于大衍射不貴于主皮書斷決以象爻
御周行而取隨則廢一而不可猶五材之並施且夫禮
者含七曜均兩儀順之則安違之則危故君當廣敬臣
亦盡規不害物以利己每謙尊而守卑況復冕旒十二
駱馬千羈會同侯伯享獻神祇者焉人無定樂有曲扣
羽增智聞商寡欲必除怙滯之音使優柔以自足然後
美教化成風俗魯不納於齊人戎辭遺于秦穆太史之
職推步萬端或分或至一暑一寒趣乾坤之取舍知運

命之艱難亦有弘羊心計小道可觀使人利國下給上
安若乃墨妙之場書淫之客轉注別態圓方自適萬仞
崩雲千巖落石垂露霑于絢綺飛花散於竹帛觀夫始
用契以代繩未有紙而作策何樸畧之難同為智巧之
所易也大射之禮先王是崇侯以示其所服正無言而
審同飲少算于多算或在澤而在宮天子用駟虞之節
諸侯歌狸首之風將以合雅投頌褒德進功敢不慎其
所舉取制於中恐前功之相棄故少息而未窮良馬四

之分鑣用壯平心正體自下奉上周諏則瑤水遐通虞
巡則蒼梧可望不遠千里惟君所向寧止過遠前驅逐
禽左廣願終功于造父不見遺於師曠繫彼庶藝孰與
之倫園基好殺夾食無親祈年設漢左道亡秦今我守
則以禮動輒隨人為百工之恒式同六律之相循於戲
間先達之格言才難得而具美伊小人其何執於夫子
有餘力以學文恐代匠而傷理屬天地之交泰泰侯藩
之貢士儻片善而必收敢長鳴於知已

書同文賦

以王化大同書文混一為韻

唐王起

魏魏乎我皇之宅也震海無氛書契同文宣於小學成
彼大勲六藝殊塗考為篆之古史萬邦同德知結繩之
聖君於時四方有謚九區如一二教翼宣儒風洋溢或
簡牒而異制或草隸而殊質莫不採摭其文錯綜其術
由是日月所燭舟車所通布八體而咸若合六書而大
同垂露成規既由近而及遠崩雲殊象亦自西而徂東
流離翰墨之場輝映詩書之間或蟲形而惟錯或鳥跡

以相混三墳八索何患乎闕疑二首六身或因而知達
況其名臣染翰行子寓書昌言非同而不達遙思非同
而不攄敷奏或乖自無驚于問馬遐邇不壅固有樂于
烹魚為學則孚執藝無詐文加點而何有書盡言而是
藉或筆或削決百事之紛拏如絲如綸宣一人之教化
則知同文之義大道惟昌合我人則覃于鬼方匪來規
於率土將作範于後王巧者莫能革其故暴者無能易
其常則帝羲龍圖寧務其八卦史籀蟲篆徒列于三蒼

故宜飛聲後代布德無外銘鐘鼎而勒休施竹帛而圖
大逸少之能攸著伯英之妙咸賴信乎觀彼人文而樂
我平泰

科斗文字賦

元 張玉相

鴻靈幽紛寥廓無間氣機渾淪垓圯無垠迨夫清濁凝
玄黃分龍飛章而結綺鳳交彩而騰文英英粲爛空翔
蜚雲玉枝縱橫齊榮敷芬於斯時也孰為錯書孰為典
墳有聖繼立知超乎羣仰觀俯察聿宣人文默啓天祕

象形而作爰著簡編心妙制約蒼靈夜震柔祗晝愕音
協義立非假非鑿啓瞶聵昭冥漠如星辰之經緯如圖
書之參錯故雖科斗之名而實蝌蚪之形首粗而銑尾
纖而輕體宏內密亦負而成厯落蟲綴參差鴈行堯舜
之道假此以著帝王之治由茲而傳授受心法可發幽
蹟紀載事實可垂萬年可做可錄可刊可鐫岐者如股
屬者如聯鎮者如錘下者如懸曲而非蜷繁而非絃勁
而欲蠆活而欲蠓雖擬乎物亦象乎天雖簡而古亦秀

而妍然後知聖人之制作深有益于世教彼赤文綠字
何足比其萬分奈何樸散淳漓世遷時易方音隨訛字
畫非式或更于史臣之手或譚于大行人之職委曲分
修蛇隱約兮鳥跡迨習熟之既純有古人之不識孰知
天之未喪斯文兮猶幸遺于孔壁維開端肇始之偉功
曠萬古而一日嗚呼守太玄者素高奇字觀舞劍者或
得學書雖變化之叵測竟科斗之何如此吾觀蒼頡篇
之文而歎作者之聖功與天地同符也

科斗文字賦

元 馮翼翁

若有客兮泛靈槎憩銀渚倚桂樹而秋吟聆蟾兔之夜
語聳載籍之前聞獨商畧夫上古誇斯文之偉績序中
山之舊譜老蟾捧腹而笑却足彷徨曰世徒陋井蛙之
見小而不知禿穎之善忘獨不聞之孔壁之舊藏乎在
昔龍官乍紀結繩未舒蚩蚩者氓若蟲若魚惟創物之
妙思必有觸於外物譬馬圖之未呈心已藏于三畫感
科斗之文字寓大巧于若拙觀其模形接腋倣象持頤

首昂休甃之影尾露蹶泥之錐跳梁爬沙之異狀未覺
鳥跡之獨奇包六體于未形貫羣音之殊譯哭鬼魅兮
中宵煥人文兮白日彼冰斯之轂轂曾何足以萬一三
五繼作典謨代增殺青事簡懷削民淳自用代夫結繩
遂刑劓於寸鐵誠有利於天下磨頂踵而未歇下逮周
宣未之改作堂堂軒頡時相唯諾垂斯文於無窮幸洙
泗之有託豈獨紀于百篇亦與聞於筆削模糊癡牴詰
曲跟肘跨焚坑而獨躍傲蟬蠹而不朽發奇光於敗壁

貫廣寒而當中昭六籍於萬世譬日月之行空若是果
誰之功耶俗漓事冗時異事殊大篆程巧八體異模疲
衡石於日晏勞案牘于吏胥徒汗牛而充棟資異端之
多書春蚓秋蛇之隨意鶴頭蠆尾之爭姝南山之竹湮
未已徂來之松墨無餘滋奸偽之日長曾莫返于古初
若是者雖禿千兔而可勝誅乎於是老兔默然露寒月
白客獨俯視乎同文仰攀乎仙籍愧雕蟲之拙學曾莫
裨於典籍但願六經之行世又何必懷科斗於孔壁

石鼓賦

元羅曾

予盍觀夫鳳翔八觀之一乎岐山蒼蒼西周故疆昔人
伊誰內修外攘予嘗訪遺蹤于岐下得故物於榛荒曰
莓龍剝落雨墨淋漓者秦嶧山之碑乎細筋入骨玉樹
交柯者漢原廣之彝乎章殘字缺讀不能句快劒斫斷
生蛟鼉非秦人詛楚人之辭蓋楊修不能語其妙而子
雲不能識其字也於是摩挲徙倚沈吟久之然後喟然
歎曰我馬既同者車攻之徂東也其魚鮐鯢者吉日之

燕喜也彼頑然者不可扣之鳴兮吾知其為宣王之石
鼓也方其明堂受朝岐邑講蒐萬里無塵四海一秋天
戈麾日凝雲不流勒駿功於石鼓將永鎮於岐周異銅
仙之可移空迴首于萬牛嗟惟此石倪仰千古橫奇竇
於道側微博雅其誰顧或龍騰而水躍或鸞下而鳳翥
雖字體不可知其誰之筆兮意作誦必當時之吉甫曾
編詩之不見收兮亦何恨無人乎李杜於是慨然援筆
磨蒼崖之壁泚秋空之露取昌黎慨歎之歌而作石鼓

之賦

石鼓賦

有序

元
周伯溫

予嘗考古石刻而岐陽石鼓為第一每讀韋韓蘇三君子之歌心蓋奇之訪諸士大夫具在京師欲往一觀而無由也皇上踐祚之始年有詔置石鼓太學遂列于宣聖廟之兩塾尊之也明年改元皇慶余列國子生撫玩之獲償所願夫以三代遺物置庠序中盛典也韓詩有云聖恩若許留太學諸生講解得切磋蓋欲而不得故

冀之於乎韓公不得見於昔時而吾輩得見於今日何
幸如之輒為賦曰

周有石鼓今在辟雍列橋門而甲乙相輝映于西東紛
質理之泐蝕偉形制之穹崇有文秩秩有詞颯颯法皇
頡之妙畫續小雅之變風蔚兮九天之儀鳳蜿兮六合
之神龍欣獸魚之物庶嘉車馬之攻同厯厯兮瓊株森
疎于玄圃依依兮神雲隱見于蒼穹嗟追琢之渾厚或
制作於天工於赫宣王弘振頽綱四國既遂百職既張

睽茲農暇載飾戎行踵武前人蒐於岐陽史籀才藝當時俊良播于聲詩勒之琳瑯其形之不一者因樸質之自然其數盡於十者表治極而功揚在戰國暴秦而韜晦者抑貞介遠其汙辱歷兩漢六朝而不泯沒者必神物為之護防歲紀茫茫顯于李唐韋韓歌之藹其有芳迄宋宣和斯遷於梁金人襲沒遂歸朔方維天子之龍飛曄文運之日昌誕降德音輦登上庠文石重藉周衛兩旁六經彛訓因時表章大比曠典同日舉揚遐邇縱

觀陳迹復彰嗟夫九州之鼎已沉淪而不可得岿嶺之
石又漫滅而不復有惟斯文為至寶實終古之罕偶惜
據撫之有遺不見稱於魯叟何人之蚩蚩窪一為白質
損文存庸詔永久後乎此者豈無祖龍之頌功茂陵之
封禪亦皆埋仆於榛莽雖萬一之或傳適足以著其君
之無取然則石鼓之周流於世者天非徒壽之蓋以寄
古文於不朽也乃作詩曰刻石鼓兮周賢王置之學兮
自我皇紛胄子兮樂未央日詠歌兮揚揚維大道兮無

疆齊地久今天長維斯鼓兮作配勿壞兮勿傷保億齡
兮於耿光

石鼓賦

元 李丙奎

偉周宣之中興鐫石鼓而勒成煩鬼神之守護復遇元
和之太平邈所來之何從實韓門之張生愚嘗玩其辭
考其義義雖密而辭嚴與車攻而同意惟字體之瑰奇
非科斗而非隸所恨者雨淋日炙之既久而其中可辨
如邈之為我僅百中之一二其幸存而未泯宜退之以

之鋪張眩耀於當世謂刪詩無西行之迹使至寶為道
傍之棄言有大而實夸遂有以來歐陽子之議安知棄
之者非三百篇之刪餘又安知為之者非出於後來之
好事

惜分陰賦

以光景難駐賢
哲無怠為韻

唐
蔣防

君子自強惜分陰於短刻期碩學於縑緗念冉冉之特
移非徒愛景惜依依之為戀足冀迴光每正中而圭表
常懼減於毫芒事且異於秉燭理寧同於息影榮樹在

乎功名淹速繼於時景苟不競夫分寸亦何期乎悠永
三冬未就實有念于錙銖九仞將成顧無虧於俄頃當
其南軒向畫北戶初寒微照悠揚而漸短斜暉晚晚而
將殘分以惜焉豈少私而寡欲時之至也諒失易而得
難及其躔次當留光華未暮宜草草以不息希曠曠而
常駐出處無瑕故垂法於前賢往來不遑見遺履之莫
顧既目擊而眷眷亦心想而專專況志業之難就當清
陰之屢遷莫不以日繫月以時繫年是宜向微秒而重

矣何得在斯須而舍旃不然夏后何以為聖陶公曷足
稱賢於焉激切仰茲先哲彼分晷而莫駐此寸陰而靡
輟不食不寢載勉於勞者之心以邀以遊誠闢乎志士
之節皎皎白駒若有若無雖長繩莫得繫于桑野長戈
不能却彼泉隅今則曖昧斯在瞬息不改宜乎陋韞石
之騰輝輕尺璧之殊彩庶立功而立事故不憊而不怠

大禹惜寸陰賦

元陳櫟

昔者聞之乾道行健一息萬里君子法乾自強不已自

古列聖罔有不勤兢兢業業所以為聖人舜之稱
禹以克勤于邦克勤于邦之實尚且惜乎寸陰惟聖
希天固自強以法行健之運惟賢希聖所以有惜乎分
陰之心賢哉陶侃孳孳不息以勤自勵朝暮運甓俯視
寸陰之移實有同於尺璧紛紛學者不知自惜惜青春
之不再忍悠悠度夫白日嗟夫視寸陰而猶兢兢此聖人
之所以益聖等光陰之隙駒此愚人之所以益愚

讀祕閣藏書賦

有序

明
史繼偕

執徐之歲厥月維皋主上弘作人之略開材館而延賢
人愚以蟻蠊與寄跡焉朝夕金馬之門翱翔石渠之署
其於神經祕籍雖未及盡探窹奧而偶涉津涯則歎為
烈祖敦古右文若是渥也章逢下士不睹瑰瑋殊觀繡
幌詞人不究崇竑實用作斯賦以明之其詞曰

九區咸九鼎奠帝圖宣皇文煽鴻略張祕閣建經始於
中和之極裁基於景緯之嚴傍紫宸而雲構度丹砌而
星躔負朝陽以南向擅邃密于東偏峻級周垣重宇層

軒雕玉璽以居極裁金碧以飾璫曳紅采之煜煜紛翠
氣乎飛颺齊雲落星方之掩其璀璨麗譙井幹遇焉失
其焜煌帝乃發天苞闡地符搜汲冢之祕牒萃孔壁之
遺書茂先累乘惠施五車繫縹囊與錦軸間琬琰及璫
璆藹芸香之郁馥爛繽紛乎卷舒巧厯不能窮其數隸
首不能擬其餘遠而望之如榮光萬丈鬱起而通霄漢
迫而察之若清都乍啟懽悅而列居諸於是司之以元
老寄之以重臣聞翹材之上館集卓犖之儒英服藻垂

帶冕弁振纓雍乎鳳鹿之倫在圓翼乎鸛鷺之列充庭
乃隱詞叢汎義漲咀藝脯涵談釀出入二酉之中馳驟
千年之上若夫河龍孕乎畫卦洛龜載乎叙疇玉版金
鏤之寶丹文綠冊之幽遡三墳與五典粵八索而九丘
仰煥矣其有唐頌郁乎其成周吾觀夫元首載賡發吟
咏之志黼黻作服垂敷奏之謀歌九叙之時若戒三風
之綢繆昌申繇而隱約旦緝頌而多猷追素王之有作
羌掩乎前修既虎變而龍吟亦金相而玉琢木舌宣而

千里應席珍流而萬世燭寫扶輿之輝光曉初烝之耳目觀天文以極變察人文而成俗莫不條貫森羅網維脉絡下逮立言之彥著述之良曾思膺儒以磬折柱漆述道以翱翔禹墨循倫确之教申韓課名實之章馬班范荀揚眉於事辭之囿關閼濂洛雅步于性命之場雖各開乎戶牖總苞括之不忘更有奎章宸翰寶籙瑤箋聖政之紀大誥之篇揭諸司之堂職榜民庶而敷宣禮樂明而天澤位刑律設而雪霜嚴闡心學之秘旨括理

性之純全及羣聖之繼作各鳳翥以龍騫信員規之麗
藻而不徒跼踖於言詮者矣當是時也潤假金壺光分
藜杖混沌啟朗須彌搖蕩離朱心照輸倖意匠始而博
窺若沉淵之網彌山之罟鵬翔膾鼈樞摘天斗探珊
瑚少而沉思兀乎若枯杖之蜎甲進綸絲於月窟霏霏
兮忽忽乎若出兮若沒終而濯然悟豁然瑩若春水不
生波漲玄冥而蒙衝巨艦沛乎鴻毛之輕於以研天下
之幾探天下之蹟斷天下之疑剖天下之惑絳灌於馬

而辭勞頗翦於焉而羞業趙李於焉而興皂獒僎於焉
而丐乞振亭亭兮獨秀垂絲絲兮不絕故神理敷而消
頑鄙文化設而靖遐荒黃姚姬姒不違顏於咫尺咎繇
伊望共接手於廟堂奚徒襲右文之虛跡而竊稽古之
餘芳若夫斲輪嘲扁亡羊誚臧孫懸梁而開戶匡鑒壁
而引光密羈蒲而牛乘角向夜而螢囊炫雕蟲之末技
昧掣鯨之大方吾誠不能與數子並故曠然獨觀于斯
閣之所藏

讀秘閣藏書賦

明翁正春

一元渾敦兮萬有亭毒
龜圖呈祕兮龍鬼夜哭
潛神光兮集鳥粟繩不奇
兮書契出字之收兮餘一萬二千韻
之總兮約三百有六諸史
碑磅六籍輻輳巧厯有所不
能窮隸首有所不能目慨文運之中微
惟祖龍之回祿以故大酉含其靈
小酉藏其馥遺經漸行散帙罔伏况
厯代之表章故祕書亦稍稍其復
繫皇明之啟祚兮值世道之亨嘉
崇文教以作人兮囿六合為一家
搜孔壁

之餘燼兮掇藝圃之奇葩徵宿儒於巖穴兮命纂摩而
訂研文移科斗之質兮字校魯魚之差既繕寫以成書
慮貯藏之湫溼創冊府于西崑闢芸臺于東壁重簷迴
廊左坪右城綺疏輝煌櫺檻赭欵木天營而閑敞兮圖
畫聚而充閭闡經史與子集兮咸什襲以無餘景龍四
庫惠施五車包羅千古紺闕羣書鉛槧披而日映牙籤
潤而露濡匪誇豔于結綺實夸富于石渠荒斯地之深
嚴兮豈章逢之敢望肆小子之蒙瞶兮陟祕居之幽曠

愧館職之濫竽兮徒大官之坐餉感遭逢之鮮覲兮敢
蹉跎而益浪於是遨遊清署偃息玉堂嘉古訓之有獲
鑒不學而面牆俯流光兮若駛期黽勉兮皇皇況夫瀛
洲春暖太液波光鶯聲睨睨蝶影徜徉蘭猗猗其逞秀
蓮冉冉以含香當斯時也余幸翰苑晴暉詞林清暇寓
目兮李邕之樓騁心兮鄴侯之架譬猶扳社而登鍾山
藍田之頂兮璫璣之珍在前惟介而守教庾海陵之倉
兮山坻之積如稼既神炫乎巨麗復心懾而衡肘垂絳

帳而隱几被紉素以喁喁抑揚嘈噴或疾或徐沉潛涵
泳亦卷亦舒漱芳潤於六經今擴緒餘於諸子咀英華
於七略今鏡興亂于列史考昭代之文獻今思憲章於
億禩畫惜陰以伊吾今夜焚膏以繼晷枕籍墳典餽酸
風騷與與容容遂遂陶陶說者謂躡雲之蹄不辱槽棧
垂天之翼不挂網羅尺寸繩槩之末楮公墨老之曹皆
古人之陳迹而輪扁之所粕糟又烏信其自免于管蠡
而自脫于環絛奚自苦而嗷嗷豈知紀載雖龐奧義停

蓄往哲遺言後人芳躅理無微而不該善無細而不錄
況值聖主之右文加以明師之誨育即上智猶孳孳矧
余材之樸樾余將以吟以咏載玩載讀導文竅批理窟
資之以黼黻皇猷豈徒章句之是束憶昔董子搜奇兮
下帷幌孟堅運思兮入毫芒司馬命意兮名山藏邊生
經笥兮分天章是皆涉中扃窺突堂足以恢帝紀振王
綱余誠不敢與數子並竊有志焉敢謙讓乎未遑辭曰
於皇我后文治蔚兮棧樸作人髦士萃兮天祿宏開臚

若遠兮披圖尊經闡靈秘兮儲養英雋覃嘉惠兮鯁生
何韋隆簡畀兮佔俾勉旃期適治兮羽翼斯文永弗墜
兮

讀祕閣藏書賦

明 張同德

繫皇明之建極擁圖籙以作君啟先王之冊府廼稽古
而右文訪懿軌於丘索蒐微言於典墳聚六經之芳潤
糾百氏之清芬邈書契以來茲盡述作之紛紜漢武之
所不及表章淮南之所未嘗見聞極宇宙之巨麗觀古

今於夕昕於是考類就班選義按部文移科斗之質字
別魯魚之誤標錦軸之輝煌飾牙籤而分布收千載之
祕藏為一代之藻黼陋華牘之十重臨景龍之四庫念
所寶之惟書慮燥濕之相薄闢藝圃于西崑創連雲之
畫閣左坪右城虹棟刻楠丹楹炫爛銀榜灼爍同石渠
之藻富豈結綺之盤樂累累鉛槧映交疏紅日以焜煌
茏茏芸香拂櫺檻微風而散落於是皇綱恢帝紘張啓
四岳遵明揚舉側陋列庶常徵能旌藝率彼舊章是以

操觚之士咸受簡以就列清華之地盡寓目於縹緗朝
馳思於東觀夕遊息於玉堂嘉古訓之有獲兮鑒不學
而面牆歎辰去之太速兮敢坐頽乎景光肆上聖而韋
編三絕兮尼父日惟皇皇彼大賢而載書盈車兮墨翟
之所垂方舒不窺園圃兮發天人之祕藏固負笈遠遊
兮究墳籍之洸洋邕願直秘閣兮肩繼日於螢囊向校
書於天祿兮泌握卷以就光遐睇往昔好學不倦嗟余
後覺欽彼懿範承聖主之嘉惠日翱翔於秘苑進稟訓

於明師退資益於羣彥蔭佳木之從龍聽好鳥之睨睨
對瀛洲之蕭森俯方塘之漱澍寄閒情於簡帙覩圖書
之璀璨尋先民之墜緒考當代之文獻咀風騷於七略
破圖史於萬卷手不停披口不絕吟夜焚膏油晝惜分
陰事必掇要言必會心枕籍藝藪弋志書林覽九流於
竹素瞰萬寶之琰琳將假經術以經世豈徒糟粕之是
尋於斯時也人間晝靜時和景明蟬聲抱樹草色連楹
閒閣玄覽發憤遺經舖藻餽籍志澹神清怡心尚友之

路銳志著作之林因乃為之歌歌曰穆穆清廟懿教陳
兮披圖尊經統聖真兮登良簡俊佐文明兮樸棧作人
譽髦成兮祕閣校讐備榮觀兮恭承嘉惠共勉旃兮顧
此清暇難再得兮緬彼先覺作我則兮

螢光照字賦

以能勵躬必
大成為韻

唐
楊弘貞

儒有貧居在陰志學無必思照字之物類得聚螢於心
術散點熠熠文彩之旁流開卷熒熒古今之洞出矐矐
隱映積小而成臨竹簡而增美厯銀鈎而轉明讀周室

之書每見日中之字覽麗涓之傳猶疑火照其營既有
求於時習奚勿用而宵行想夫交錯積中英華發外魚
鳥飛動鉛黃掩靄無心於處暗彌見精專取足於臨文
豈勞光大炫晃無窮心勤飭躬泛凝暉于垂露翻碎影
於雕蟲筆精之體無隱藻思之文有融既的皦於六身
之上復浸淫于三豕之中則知雅善從宜功能自勵時
當炎煥嗟映雪而未期義涉穿窬忌偷光之失計是用
聿求昭質承乏華燈每揚之自此知照況燭之因以輝

弘斯作者所以警清士而體物俾無忘其所能

螢光照字賦

以能勵躬必
大成為韻

唐趙蕃

丹鳥火熒臨書育明假蠹爾之微照俟終焉而有成由
是引素囊開縹帙文的皦而可見影循環而無必孤懸
虛牖依依而鳥跡初分迴隱薄帷幕幕而龜文乍出嘉
其炯若流耀煥乎發蒙瑩分寸而靡隔助舒卷而不窮
所以藉微索積輕躬隱映有餘寧虧武子之志熒煌如
貫爰明蒼頡之功臨墨池而珠還合浦映草翰而燎點

寒叢至若暗室方局清宵未爇炷微質於幽邃閱羣言
於宵藹餘光不滅能溫故而知新疏彩乍臨為積小而
成大爾其杳杳皆微歷歷可憑分白黑而為度隨編簡
而不恒初訝無煙潛凝化草之狀纔瞻吐耀暗分垂露
之能及夫皓若雲舒明如珠綴互離離而發色紛漠漠
而流睇是以象鈎深類冥契儻觀光之不昧庶微躬之
足勵

螢光照字賦

以能勵躬必
大成為韻

唐
蔣防

士有閱簡策尚專精恒俾夜而作畫每聚螢以襲明期
照燭於無隱俟沉研而有成縹帙時開玉篆共丹輝並
耀銀鈎下映繁星與片月俱生惟幌之際微明舒蔽或
熠熠以吐光復離離而珠綴俯而察煥乎呈科斗之文
靜而觀炯爾見雕蟲之藝諒依人以明道匪韜光以自
衛居暗室者懷我而載寢載興遇明時者假我而自強
自勵用或因物勤斯飭躬不晦乎風雨不翳乎昏蒙臨
墨池則珠還合浦映草聖則燎點寒叢誰謂向乎晦照

篇籍兮無小無大誰謂藏乎密隨晝夜兮無固無必金
輝始徹疑清露之騰文鳥跡旋分謂靈鳥之就日可以
窮永夕可以佐殘燈舍之則其功不足用之則其道彌
弘顧螢光之在照蓋欲罷而不能

鑿壁偷光賦

以將欲貪於麟
角之成爲韻

唐

獨孤鉉

儒有聰明卓犖夙然先覺勿懷六蔽之嗤是切三冬之

學

原本闕
八字

無光穿屋如墉豈獨雀之有角且以蘭膏既

絕日月其將欲假明於他人之室方鑿竅於夫子之牆

乍引潛輝怯投珠之暗忽分圓影疑月出之光觀夫納
耀之初流輝乍舒獨見之明何得和光之義則如然後
傳之辨鳥遶以分魚諒非偷人之所以固同闇者而求
於逗影未周將闕小明之什分輝竟劣難尋光大之書
於是舍之則止用之則行彼君子訝來風之穴矧吾儕
觀繼日之成誰謂我偷偷則不減誰謂爾失失亦不驚
徒愛夫覽則無欺燭之有私文從曲照字逐圓窺守其
黑非吾徒也用其光若已有之始慙服闇之議不能牆

面終契襲明之旨或異管窺況乎貧則宜甘學也宜耽
韜爾光不違於誨盜開吾壁非涉於攘貪志也則勞自
知不足豈奪鑒微之見實假照鄰之燭等虛室之白寧
喪爾明喜衝孔之光已從吾欲然則能資於昧者可望
非親欲求於明者有志無因達闇之心難固偷光之意
何新是可投庸功學捨彼求身故能才已微于夢鳥道
非室於獲麟

斷織賦

唐
仲子陵

儒有學而未殖敏而多識庶幾立言無忘進德當年以
倦中道而息余雖不知請喻斷織伊昔孟子受學輟然
如疲日忘其所志月忘其所知母也賢只教之勤斯拔
銛刃以一割應鳴梭而中藎且自賢亦自滿泥鈞成器
玉琢成瓚鄰於墓爾則有踴躍築埋之非近於鄺爾則
有嬉遊賈御之短是用居爾於學宮之舍納爾於經籍
之館期子衿之青青致履道之坦坦胡為乎不勤以學
惟事於散苟爾學之可停猶吾織之斯斷其貌既舒其

言又徐投杼憫爾操刀介如絲之傷一緯飄其無緒帛
之裂千經蕩其無餘前工後拙始密今疎牽杼為之中
止杼軸猶其一虛且以絲喻人以織喻學若金受礪如
木斯斲夫絲可以衆而不可以寡織可以勤而不可以
舍一絲所累以倍乎尋常一織所工而衣乎天下因茲
細故以及大者彼婦道之信然況君子之事也故形於
織女思其功移於學士念其終業暢於外美歸於中則
以顧綃之理弘素王之風我友我生無落無廢學若山

積心無蓬穢當求斷織之義若之何以自艾

文戰賦

以士之角文當
如戰敵為韻

唐林滋

為學之人會友以文念斯文之樞要無極將一戰而是
非可分索隱窮微既不憊於夫子解紛挫銳爰取譬於
將軍由是推匪石之心召如林之士六籍之奧斯究萬
夫之雄莫擬且曰戰也者所以分勝敗之端文也者所
以明盛衰之理必將抑浮偽考深旨措詞苟得於朝聞
游刃寧甘於夕死是用徵師於伐善之所命將於角勝

之場鶚視而鵠鶴斯列豹變而貌貅莫當利口從橫已
有摧堅之意雄姿踴躍那無露穎之囊得失未分切磋
斯見弛張既出於心術向背寧虞于色戰忠為甲而信
為冑豈憚重圍筆有陣而詞有鋒誠能萬變既區以別
矣乃則而象之拂綳袞作鼓鼙之響卷絳紗為旌旆之
姿波駭九流苟再揚而盡委心攢百箭終一貫而無遺
乃考擊蒙諒無前敵決勝既返於三隅請命俄分于四
壁是以及門之子互騁其成功無勇之徒空悲于敗績

已而探討無餘詞林晏如九合之剛腸斯弭千里之秘
思潛舒深淺既分盡洗兵于學海姦回云革皆棄甲於
德車蓋以振此芳塵仰于先覺苟能立分于閭閻曷愧
坐籌于帷幄今則仗其信志其學幸從戰之有間願無
慙於挫角

解議圍賦

以詞理精通釋
然自清為韻


唐

浩虛舟

王子猷之延賓暇時偶切磋於經史遂交戰於言詞出
奇而彼力方壯向敵而吾矛莫持阻辨口而不通去來

都絕開赤城之深固中外生疑既而謝婦側聆翠帷潛
至察攻討之餘勢知勝敗之有自情甲遂闢縱堂上之
奇兵靈府忽開出身中之利器是用自伐期乎不爭因
漁獵之近習得籌謀之至精縱吟嘯為鼓輦之雄倍增
其勇察顏色為風雲之候暗識其情然後以德而攻當
無向背迎心石以奔北望詞鋒而辭潰一來一往環回
於文苑之間或否或臧蹂躪於儒林之內已而容勢相
懸抵摧莫前擊觸而剛腸已折交侵而銳氣難全去不

可逃顧咽喉之絕矣敗無相救覺脣齒之茫然觀夫忠
甲不免德藩何益望風而堅勁不保挫氣而秉持盡釋
俄執訊於折角將犒師於重席驗運輸而經笥不窮察
苞裹而智囊猶積是以扞格斯闢書文必同逆無不服
滯無不通義櫓罷持倒載於德車之上仁寶悉獲橫行
於王道之中故得學海長清言讐不起百家咸湊其軌
轍六籍各分其疆理是使孤陋寡聞之徒永願服膺而
已



御定歷代賦彙卷六十二